


學

校

志



# 邕寧縣志卷二十一

## 垠西莫炳奎星五編纂

學校志一 學宮 舊學制 書院 義學 社學 試院

學校爲育才之地。而施教之術。不能不隨時勢爲變更。古者兵學爲士所不廢。故學者習乎六藝。射御與禮藥並重。所成就者皆體用之才。自後世制舉盛行。以弓馬爲粗才。不復講求。古制寢亡矣。今者外患日亟。國難方殷。舍科學無以救國。舍尚武亦不足以自強。生乎是時。上之所以爲教。與士之所以爲學。合農工商學兵一爐而冶之。此其選也。然三代學校。皆所以明人倫。教學授受。今昔或不必盡同。明倫則今昔不能稍異。故首序學宮。以明聖學。而以新舊學制沿革附焉。志學校。

### 學宮

附丁祭  
禮節

學宮之制。即古昔造士升學之所。其在三代。夏曰校。殷曰序。周曰庠。又有辟雍成均澤宮之名。皆太學也。記稱天子視學。祭先聖先師。養三老五更於太學。典至隆重。然皆位於京師。稱爲國學。至所云先聖先師。周禮謂始教之人之有道德者。而究未有所指也。自漢高祖過魯。以太牢祀孔子。遂爲後世尊孔之始。自唐太宗立孔子廟於國子學。尊孔爲先聖。顏子爲先師。令諸道州縣皆置學。遂爲後世各州縣學祀孔子之始。自是以來。孔教大行人道立而天理明。自朝廟家國。以至鄉閭州黨。自王公卿相。以及編戶齊民。凡屬血氣之倫。莫不尊親。毋敢隕越。非關勸懲然也。是以漢則園橋門觀聽者億萬計。唐則異國君長。

遣子入學。都凡八千人。夫漢高唐太。以蓋世英雄。繼湯武而爲革命眞君主。一以馬上得天下。一以弓矢定太平。武功之盛。自不待言。然文治之優美。亦非後世君主所可及。是何故哉。夫亦尊孔之效矣。或曰。彼中國人而尊孔。固亦應爾。似也。然異族之人。如胡元之賤儒。八媚九儒十丐見謝枋愛新覺羅之佞佛。見清史演義所引其距孔教已遠。宜若排斥孔教。而別立

其新教主矣。然其入主中國。趨踰孔庭。稽顙崩角。較中國人。更有加焉。

元成宗加封孔子爲大成至聖先師文宣

王。清聖祖題贊孔子爲萬世師表。又嚴禁過孔廟不得乘馬坐轎。或又曰。彼欲以華治華也。又似也。至若盜賊。無所謂治矣。如

唐末之黃巢。明季之李自成。張獻忠輩。古今稱爲最大劇寇者也。所至羣廟。皆毀。摧而爲薪。而獨於孔子廟廷。逡巡不敢入。見各家雜著不俱引抑獨何哉。夫孔子生當周末。一布衣耳。

非有呼風喚雨之靈。祈福禳禍之應。不過集堯舜禹湯文武之大成。其爲道在六經。其立教在五倫。其設科在六藝。本極平庸。竟能令異族盜賊之人。尊崇之。敬仰之若此。若夫讀聖人之書。爲中國之人。不知尊之仰之斯已耳。乃悖叛聖教。創爲邪說。恣意拚擊。甘冒不韙。自外生成。比於異種盜賊之不若。又何誅焉。我縣孔廟。建自宋皇祐間。遷城之後。經五易而始遷今地。然有廟廷。而無鬢舍。已非古制。但他處之廟。俱係木主。而吾孔廟。獨有神像。未知創始於何時。考明正統十二年。有塑聖賢像之文。再按碑記。四配十哲。均有塑像。今惟聖像獨存。彼雖偶像耳。然仰高瞻前。如親警欵。高山仰止。景行行止。雖不能至。心嚮往之矣。茲將歷來學宮之廢興。與修葺之經過。詳著於篇。俾後世有所考覽焉。

府學宮。在府治北。其地爲五花嶺之一峯。初在倉西門外沙市。後遷城內南隅。又徙城西

。址凡五易。

舊志俱不詳創  
建徙置之由。

宋寶慶三年丁亥。知邕州謝明之遷今地。淳祐八年戊申。督學

使梁應龍修。

（鄭容記）按建武志。州之學基凡五易。皆莫詳創建徙置之自。唯傳舊在沙市闌闔間。再遷於城南

而已。今五花嶺所建。咸謂變而之善。一定不可易矣。諗諸故老。或曰當時郡侯謝公明之。急於改張。前後左右。俱失其倫。規模體制。尤病於簡。是定者不保其終定。善猶未盡善也。不有高明靜定之君子。疇能悉舉其偏。一歸於正大。備厥成哉。故自寶慶丁亥遷學以來。至淳祐戊申。曾未二紀。復遇羅浮梁先生應龍來董學事。鑒舊貫之不可仍也。又決於一革焉。於革之中。得因之義。因者非陋。革亦從之。易之彖曰。革而當。其悔乃亡。楊子不云乎。可則因。否則革。先生蓋兩得其道矣。觀其徙大成之殿以中居。設榮戟之門而前峙。尊道堂接於殿之次。雲漢閣聳乎堂之後。旁分兩廡。左益四齋。□□□□事嚴秩序之位。□□□□則表以崇之坊。此更革之大要也。所謂因者。學宮之地不改闢。而□級盡夷其舊。先聖先師十哲之像不改造。而綵繪鼎而一新。收拾不朽之枋。襲用已揭之扁。如是而止。若夫□公生明之□以專考校。可知衡鑒之不公。堂階之下。適有蒙泉。斲而方之。源源不竭。是有瓮澤講習之深意。繇人爲之。盡善契天道之自然。允謂合可否之宜。庶幾乎悔亡者矣。環視南州之學。固有補漏支傾。隨弊修飭。鮮有合一學之內外。飛跋翼。準乎繩直。整整不少遺者。方是役之未興也。會郡有城築事。先生之志甚銳。睨於側者。莫不難之。先生則曰。事患精神之不運。志慮之不堅耳。是有數焉。姑請少候。未幾修築事已。先生乃一意營度。期於必成。郡守王舍人雄。屢嘉歎之。察其事力之不逮。乃撥瓦二萬。灰二百筭。米百斛。錢五百緡。以佐不資之費。詩頌魯僖。不髣髴歟。上倡下孚。轉難爲易。氣象迥非前日比矣。經治於己酉之冬初。告成於辛亥之春季。首末三年。使此心此力。稍有間斷。其不取道旁之謂幾希。且官舍與學舍遠隔。惟先生不憚勤勞。雖寒暑風雨。忠晨往暮歸。如理家然。衝冒致疾者再。而不以疾自怠。百爾器用。於學所宜有者。纖悉畢具。循始至終。其志慮之堅。有若此者。先生曰。會士友而觴之於學。皆合辭請大書以記。先生則又曰。吾知盡吾責耳。皇恤後之不吾知乎。夸詡非吾志也。士友退而相與言於容曰。邕學五易其地。毋慮數百年。苟且相承。文獻靡証。今革數至六而定。請記於先生。而先生拒焉。君與先生年□誼□願引一筆以詔來世。容曰。學校者衣冠之闕。禮義之府也。我朝諸儒先。所記精微廣大至矣。不可加矣。晚學何所容啄。若俾識歲月。則不敢辭。謹撫梗槩。叙於前矣。如鋪張鉅美。非大手其誰宜。是春容以攝倅預丁獻。晨與齋房。觀學之光。杏露垂芒。槐風薦涼。燎炬煌煌。環佩鏘鏘。籩豆肅將。牢醴馨香。贊拜琅琅。神明洋洋。如躬陪闕里之祠。目擊夫子之墻。禮畢揖而慶先生曰。聲教所暨。雖邈乎炎熱之力。文物之彰。何異乎江浙之鄉。矧多材玉韞而珠藏。非久必破乎天荒。異時推源教育之功。不減文公之在潮陽。瞻肖貌兮堂堂。已足見□□□不忘。語既。先生但笑而不言。年弟迪功郎特充賓州軍事推官權邕州通判兼權州鄧容撰。迪功郎新辟邕州溪洞司主管機宜文字趙立書。文林郎邕州觀察推官宋篆額。免解進士學正廖梓。免解進士學錄楊志。鄉貢進士直學楊華等。同立石。元至元間。

宣慰使趙修己重修。

(文壁重修府學記) 天地百神皆有祭。方伯連帥與守之臣。奉命祭於封內者曰山嶽海瀆。曰社稷。曰文昌王廟。夫山嶽海瀆。所以載物而厚民之生者也。社與稷所以有土而生民。

百穀者也。山嶽海瀆之祭。使之奠安順理。而無震裂沸騰之苗。社與稷之祭。使之豐登盈足。而無凶荒饑饉之患。是皆不容廢者也。夫孔子廟之祭。皆肅然齊宮。省牲。具醴。合樂。登歌。縉紳縫掖。相與升降進退俯伏。奠享於階楹庭階之間。若甚迂遠於事。乃禱祈禳祓之舉。報應休咎之符。□□□□而祀典先焉何也。三綱五常之在天地間。一日不可無。如饑饉之於菽粟布帛也。古之聖人。有德有位。作君作師。斯人出作入息。仰事俯育。罔不協於有極。及正道衰微。五教不敷。彝倫攸斁。民無所賴。夫子生焉。有聖人之德。無聖人之位。垂萬世立教之法。存於易書詩禮春秋。使三綱五常。大明於天下。天地以之位。日月星辰以之行。山川草木鳥獸以之寧。豈獨人蒙其賜哉。漢初。以太牢祀。歷代命州縣皆立學。夫子之宮牆。巍然峙焉。春秋行釋奠禮。為百世帝王之師。蓋微夫子立是極也。山嶽海瀆。誰其奠之。惟社與稷。誰其尸之。天地且不可□□而況山嶽海瀆社稷哉。邕學初在城外沙市。徙城中南隅。又徙五花嶺第一峯。前臨清流。後倚高阜。王宮噲噲。從廡斯翼。前門後堂。累壘書閣。其初立規矩。所由來尚矣。炎暵遐壞。山林材木。不能支久遠。比歲撤而新之。壯觀有加焉。夫知風化之本。祀事之重者。大名趙公修己也。公奉天子詔。來奠西南。雖數遷。凡十有五。不離茲土。由是秉鈞衡。大德七年。癸卯宣撫使陳謙登樞要。蓋有日矣。繼美述事。永永無斁。不墜教基。又將有望於後君子焉。

唐世忠、黃昔刺不花等。重建大成殿。

(趙淇記) 古綏服三百里揆文教。二百里奮武衛。其外要服荒服。愈外愈遠。似未可以文教治之。皇元臣一區寓。雖

嶺海遐僻。未嘗視為要荒。必使祇若條教。服習禮文。與中邦齒。良中地大民衆。政覃化洽。故功懋古昔。猗與盛哉。至元詔書。謂孔子之道。垂憲萬世。于以極崇奉。務修完。將四海一致。凡都在殊徼。壹皆宣化承流。為民師帥。不可以遠外自詭。廣西繇桂林而次。惟邕筦為大府。所莅廣袤雄它治。故分以宣慰使。兼元帥鎮之。兩江為路。若州亡慮數十。參錯溪洞間。循法稟則。惟邕閩之為聽。徒程以期會。督以威禁。而不振飭文事。闡修誼訓。俾之所觀慕。非治也。況地接交趾。修文德以來遠人。尤國家所向。天之秩叙典禮。降衷命性。每人而物則之。一有耳目口鼻心知。則其倫理之間。所以有義有恩。有別有序。有信者。皆所均具。特患迪之誘之者。不繇其道焉耳。繇其道。豈必要荒異綏服哉。邕故大學。其大成殿。建自宋辛亥。漫朽滋甚。大德六年壬寅八月。大雨以風。廟屋圯。其尤爰及神位。副都元帥陳公謙亨。惕然曰。是為教□敢不新□崇大。以恪共祀事。然官無贏財。曷興是役。乃謀之椽屬孫希武。希武儒也。力贊□決。謂事不規不隨。言不倡不和。苟衆力是哀。請自公始。帥曰。是誠在我。遂首以己俸□□於是宣化武緣之士。聞而樂事勸輸惟恐後。又會以學帑鈔□統計為縉肆千有奇。若棟梁求之龍州趙□□皆成幹重堅。必數百夫可致。苦衆材質之兩江。苦瓦甍市之陶舍。若梓匠巧人。僦之邕賓橫三州。率償其值。不以官勢擾之。士樂其樂。民利其利。工功其功。帥赴學無虛日。且董且勸。以七年癸卯正月經始。越五月。帥陞

治桂林。乃托其事於副都元帥古獲唐公世忠。未幾。都元帥思明黃公昔刺不花覲還。相與協心濟美。以克就緒。廟祝峻口。階檻端莊。神棲帖妥。奔奔具嚴。仰高瞻前。駿爾籩豆。□□諸庠。莫儼□□是年八月落成。姜公輔家曰南。繇進士爲唐賢相。其忠亮材識。至今照映史策。凡邕之士。亦不宜以地遐壤絕。自怠。其必崇義軌仁。秉忠履孝。鄒魯而業焉。汶泗而學焉。一道德以同風俗。薰善良而遠鄙陋。俛焉孳孳將以騫游夏可幾。豈惟蹟美公輔。是則廟□所以修崇之意也。□□□□州判馬迺龍請記。□□曰。是役也。陳帥實倡之。身與唐帥繼成之。在我固下敢揚己之善。而亦不敢掠人之美。願有以永諸辭。而垂厥功實焉。其邕士之賴。余老矣。焉能文。惟其貳也材。其長也賢。其古所謂說禮樂而敦詩書者與。是宜□□書。□□八年。歲在甲辰十一月甲子日南至記。安遠大將軍同知廣西兩江道宣慰使司事副都元帥瓊臺陳謙亨重建。懷遠大將軍同知廣西兩江道宣慰使司事副都元帥世忠同建。鎮國上將軍廣西兩江道宣慰使都元帥黃昔刺不花同建。明洪武三年。暑府事焦源。教授謝成伯復修。正統十二年。知府陳

肅修。恢舊貫。增新制。建殿廡講堂齋舍。塑聖賢像。造樂器。(胡智記云)學校之設。自虞夏

之地。國朝稽古崇文。爰自京師。徧于郡邑。靡不建學。迨我聖天子稟聰明膚智之資。商周。及漢唐宋以來。皆毓賢

繼志述事。益懋宏規。正統發亥秋。命有司重建大學。厥功告成。甲子春。舉視學之典。釋奠先師孔子。御筵命

講。天光日華。照臨辟雍。於戲盛矣哉。是年秋。又敕修天下文廟廣之。南寧郡儒學。在府治東北之五嶺。歷歲滋

久。盛衰興廢。則繫乎時與其人何如耳。括蒼陳鼎廷器。由大學生。拜桂林令。蒞民幾九載。豈弟之化。聞於遠邇。是以鎮守廣西總兵官征蠻將軍安遠侯柳公溥專。上其事於朝。乙丑冬。陞郡守于茲。始至周覽學宮。圯壞弗稱。蹙

然不甯志於更作。於是鳩工集材。琢石陶甃。撤其舊。景以新。大成殿東西廡戟門櫺星門既成殿。又改爲宣聖

四配十哲像。兩廡郡賢諸儒。皆圖之壁。□□□□明倫堂四齋廿舍。及厨庫廩溷之類。無不俱備。且殿廡堂齋。規

模宏壯。黝聖丹漆。焯焯煌煌。煥然一新。其間百爾所需。咸得變通之宜。逾年而克有成。可謂爲政者知所務也

繼自今生徒得有依歸。朝夕致力於穹理正心脩己治人之道。他日爲公卿。爲大夫。爲守令。而文章事業。着於無穹。庶不負朝廷培養之恩。郡守作興之意。諸士子幸勗之哉。弘治間。知府蕭蕙修

。知府劉芳。復購文廟南軍民房屋地基百餘間。增修。徙戟門於櫺星門故處。所有兩廡四齋號房庖庫公署等。一皆次第修舉。並建射圃亭臺於其側。先師四配十哲。重肖其像。兩廡諸賢。悉置牌位。正德間。知府李津修。嘉靖九年。從張璉議。詔天下祀啟聖公。配以顏路曾皙伯魚孟孫。十年。更大成殿曰先師廟。中爲聖殿。兩翼爲東西廡。後

爲明倫堂。堂後爲敬一亭。後改爲尊經閣。又改爲啓聖祠。左右爲四齋。曰志道、據德、依仁、游藝。前爲戟門。有泮池。護以石欄。障以屏牆。有箴亭射圃公廡。又前爲櫺星門。東西爲禮門義路。前有照壁。十六年。知府郭南。二十年。知府朱黻。二十九年。知府王貞吉。吳紹志。先後重修。又於戟門左。建文昌祠。規制悉備。兵燹後。僅存櫺星、戟門、正殿、文昌祠。餘皆燬廢。清順治中。知府葛文驊修建。十六年。知府孔興訓復修。興訓聖裔也。康熙六年。知府虞宗岱。同知劉光榮。通判范文英。推官徐元吉。知縣王瑋。訓導劉上傑。捐修明倫堂啟聖祠。二十三年。知府趙良璧。遵刻御製萬世師表額。並先師贊。懸於廟庭。二十八年。又奉頒御製四配贊。勒石學宮。三十八年。左江道吳澗。知府孫明忠。捐資增修。(劉體元記)。庠序學校之設。肇於三代以前。所以聚一鄉之俊良而教育之。備於一人。而士子托始。先明其道。然後可貧可富可貴可賤。無往不宜。是以瞻拜孔子。令士子知所矜式。知所砥礪。非君琳宮梵宇之僅誇巍峩也。余奉命校士粵西。所見琳宮梵宇。大抵輪奐聿新。而學宮聖殿。往性僅存梗槩者。心竊惑焉。獨至南甯視學。由巒牆戟門。以至夫子大殿。莫不煥然整齊。而甃石灰瓦之高積者。桁椽棟梁之聚集者。工匠之斲者斧者。僉曰將修明倫堂也。將理兩廡諸賢祠也。將重建廣文各齋署也。鳩工庀材。正未有艾。更詢諸生。僉曰。此我郡守孫公省齋捐俸肇修。訓我士子。而士子群相鼓舞以相與有成也。更進而言曰。孫公之治我南甯。豈惟學宮。凡道路之傾圮。倉庫之倒頽。由邕至柳。山川之崎嶇。莫不獨任於身。以平治更始之。而平時之訓育士子。梓聖賢入道指南等書。廣爲頒布。必以切己體驗爲誨。其惠我小民諸善政。亦如之。余因之深有感矣。攷南甯之學。自宋竇慶問。由城外沙市。遷於斯所。一修於宋督學梁應龍。一修於元趙修已。一修於明焦源。一修於郡伯陳鼐、劉芳、郭楠、朱黻、王貞吉。吳紹志。先後增修。而規制大備。本朝康熙六年。郡守虞宗岱一修之。後圯者無遺。存者幾敝。今得省齋爲之經營。使中外規模。埒於吳越。及余再至。而兩齋署告成矣。又論時而宣化縣學兩齋署。亦各成矣。蓋聖天子諄諄訓吏。首以興學校。明人倫爲務。而爲人上者。往往忽之。甚且反留意於琳宮梵宇者。無他。於釋氏可言因緣。於道氏可言感應。皆冀以求福田利益。而我夫子則以爲明善誠身。爲分內之事。宜乎不能動其覬覦也。省齋不惑於二氏。以獨泮宮爲先。詎非實體聖天子寄任之心哉。今省齋攻成報最。已膺簡命。觀察粵東惠潮。余亦報滿。將與諸士別矣。使諸士子咸能體此意。以上報其君。下淑其身。斯循名攷實。將四方士

予。皆知庠序所重者。有所在也。爰識數語。以傳諸能言之石。並與左江道今調蒼梧道潮生吳公。各捐數十金。以襄盛舉云。省齋孫公名明忠。宏豐人。潮生吳公名潤。順大人。咸得備書。四十五年。知

府張綬遠。五十一年。知府載錦。俱繼修。五十六年。知府沈元佐。捐費前後重修。

（梁太宗記）嘗觀至治休隆之代必首重學校。為之肅廟貌。置專官。秩典禮。時俎豆誠慮尊崇未至。則士之視道輕而人才不軌於正。人才失。而修齊治平之理。將安所致焉。我皇上崇儒重道。加意右文。俾天下皆知尊聖人。而在位者。莫不汲汲焉以建學為政事先。猗歟盛哉。何治之隆也。南寧郡學。為六屬冠冕。其地據五花之勝。自昔幾費經營。初建巨麗。後亦未始不相繼修葺。迨歷年滋久。湮圯再見。歲在甲午。沈公來守茲土。恭謁之際。目覩殿廡欹傾。霖雨弗蔽。皇然感且駭曰。文廟風化之原。明倫堂振鐸之地。荒廢至此。何以妥神告虔。而維教化乎。因於丁酉秋七月朔之四日。捐俸三百餘金。鳩工選材。躬親區畫。命太宗等董其事。擇其諸生敏練者數人掌記。分而督之。越一月工成。自大成殿。暨啓聖祠。明倫堂。以迄亭墀廊塔。繚垣旁柵。坊表池欄。傾者立。敝者新。壑茨丹堊之色。觚稜榱桷之容。宮牆數仞。既固且安。於是都人士。來瞻學宮。色喜相告。謂不覩廟貌森嚴。不知幾春秋矣。則是舉之有裨於人心風俗。匪淺鮮也。未幾秋闈榜放。顏子望聖捷賢書。足徵啟發文明之兆。嗣此而遊是學宮者。將爭自濯磨。盡其格致誠正之功。明於修齊治平之理。於以拔巍科。登仕籍。文章勳業。著之無窮。邕人士實嘉賴之。信乎公之造福大。而雍正元年。追封孔子五世王爵。左江道靳治齊。於學宮東。建培植者深也。多人十勉乎哉。

崇聖祠。安設神牌。並置祭器。二年。知府慕國典。捐修正殿。及兩廡。十年。知府張

漢重修殿廡戟門櫺星門。并捐置祭器樂器。稱述之。然後為大也。況我國家久道化成。重熙累治。文

治與武備交修。禮序與藥和並懋。邕州即介邊徼。雜以民獠。亦蒸蒸向化。而俗敦孝弟。土澤詩書。歲庚戌。漢承命來守是邦。釋菜後。輒以新學宮為務。蓋學者也。所以崇本根而滋化理也。弗因厥初功難集。弗宏厥基。役難久。弗壯厥觀志難安。爰是損費經工。相宜考極。廣其墻垣。峻其廉陛。或景椽而朽。或築基而營。起撓為隆。蔚為豐。經始於大成殿。黼座朱几。廟貌孔嚴。旁及兩廡。壘者飾之。自群弟子以及從祀諸儒。分別列以次。前屆正門。森然書戟。外列三門。上應櫺星。是役也擇吉在九年戊戌。告成在十年己酉。廟既新。而祭器樂器殘缺無存。其何以勸茲大典。因復捐貲。令人赴粵東。備具禮樂等器。皆合度。擇生儒之曉革節者。教習樂舞。生徒於是內無廢事。外無遺敬。自上而下。由粗及精。各有條理。從此具禮和樂。秩然藹然。用以宣揚聖天子文治之隆。而忠信甲冑。禮義干櫓。出可鼓吹休明。處為鄉黨矜式。於邕人士。不重有冀耶。敬述所志。以告來者。若夫聖道之光昌。包



含萬有。而聖朝之尊師重道。憲典昭。乾隆四十年。左江道王懿德知府林琮修。以上府志道光十三年。光於四海。漢又何容置一辭焉。參謝通志年癸巳。知府余源。知縣曾敬熙。縣人程金暨仕紳員生等。捐資重修。自是近年來。梁棟朽敗。宣統間。郡人方議捐資重修。會民國成立。排孔之風甚盛。未果。旋政府有覆行祀孔之令。乃於民國四年。知縣韋文林。提撥變賣城外三皇廟上蓋及地基銀二千元修。自正殿及東西兩廡。以至戟門。門外之泮池。門左右之名宦鄉賢祠。池南之樞星門。池西之省牲所。樞星門外之照壁。左右之禮門義路。并殿後之崇聖祠殿。在牆外之明倫堂。堂前之文昌閣。俱葺而飾之。時議將縣學宮。改作關岳廟。故并遷縣學聖賢牌位來合焉。民十五年。兩學宮俱拆毀。闢爲公園。僅留大成殿。然殿內挪爲別用。不成爲殿矣。

縣學宮。明洪武三年。建於城之西北。正統二年。御史唐慎。改遷於北門內。今敷文書院。其舊址也。十一年。知縣盧彰。重建殿宇。塑聖賢像。正德十六年。知府盛瀧。建堂齋門舍。嘉靖八年。遷附府學右。而文廟總於府學。即今址。二十九年。知府王貞吉重修。並建明倫堂。堂後建啟聖祠。東西建進德修業二齋。前爲儀門大門。有箴亭。植松亭。陳大綸記闕萬歷四十年。知府蔡淑逵復修。并記。記闕後值兵燹圯廢。春秋致祭。仍附府學。清順治初復建。康熙三十六年。知府孫明忠。知縣白洵。縣紳前壽昌縣令許必可。

捐建殿廡戟門樞星門。四十年。知府孫調鼎。知縣白洵修。並建明倫堂。府志謂白洵建啟聖祠、明倫堂、今據

梁兆吉記、改啓祠爲吳澄建、四十七年。知縣吳澄。以諸制缺略。令教諭羅錦。訓導戴思孝。董修。建禮

門義路。宮牆下馬牌。泮泮池。拜建啟聖祠。(縣紳梁兆吉記)宣化學。自明洪武三年。建於城之西北。正統二年。巡按唐公。改遷城內。嘉靖八年。遷附府

學之右。是時規模草創。越十年更定如府學制。經郡侯王公重修。萬歷四十年。又經郡侯蔡公重修。本朝定鼎以來。兩經兵燹。春秋二祀。附莫郡學。前此官於是者。招流亡。急催科。理訟獄。事事草創。諸務倥偬。雖欲支其欹斜。磊其崩坍。而不暇焉。歷康熙庚辰歲。郡侯孫公。邑侯白公。仰瞻太息者久之。爰捐俸首倡。以圖修復。時有邑紳前壽昌昌許必可。襄厥事。是大成有殿。櫺星有門。東西有廡。然而啓聖祠未有也。泮池之未成。禮義二門之未作也。嗣有邑侯吳公。爲之繼塗丹墀。煥然改觀。事竣。命予爲記。以鐫於石。是役也。董其事者學博羅錦、戴思孝、暨生員紀瞻、韋聖傳、例得書。五十年。知府戴錦。知縣吳澄。委教諭劉如晏、督修、大成殿、啟聖祀。雍正元年。改啟聖祠爲崇聖祠。增設神牌。

置祭器。入年。知縣黃其炳。九年。知縣陳旭。相繼重修。規制始備。乾隆三十六年。水圯。左江道秦廷基、宋淇源。知府杜琮。知縣唐坦嶽、重修。道二十五年。知縣

柳際清。暨紳士重修。以上府志光緒二十一年。知縣袁寶璐。縣紳雷震瀛。莫以芳、莫以

瑩等。損資重修。（縣紳鍾德祥記）自泰西宗教之說起。於是泰西諸國。各切其所以爲教。而教亦多端。各至恃其國力以爭勝。而兩下相殺。流血至數百年。而未知所底。我孔子之教則不然。君君

而臣臣。父父子子。親其親。長其長。以公德新吾民。民乃大和會。而天下萬世。遂以服習其教。以無反無側。有國者循斯道已柱。不期而躋斯世於大同。況乎環地球之大塗既通矣。則泰西諸教。坐輪而入。其始或訾警孔氏之遺書。今乃漸反而相服。見於彼哲學論說者。言人人同。我夫子之道。必將使之輪而出。大道之大。雖千年猶旦暮遇之。豈妄也哉。茲諸君鼎力以重新孔子之廟。當群言淆亂之日。而以尊崇聖教爲拳拳。廟而賴之。於是乎在。諸君子有意於聖人之學歟。強其志。倍其力。立其大者。以一誠統合吾中華之群。吾強也孰弱之。吾治也孰亂之。奉聖教而浸至弱且亂。則不學之過。學而非孔子之所謂學之過也。廟重修於癸巳孟秋。越甲午冬月落成。諸君請誌。則進士周梓田。舉人雷金門。莫作鑑也。前江南道監察御史縣人鍾德祥撰。民國四年。知縣韋文林。奉令將縣學宮。改爲關岳廟。而府縣兩學。乃合而爲一。民十政變後。又併府學宮。全行拆毀。闢爲公園。後改爲民衆俱樂部。

### 附文廟祀典位次

### 大成殿正位

至聖先師孔子

(東配)

復聖顏子漢永平十五年祀七十二弟子顏子位第一魏晉祀孔子均以顏子配唐貞觀二年以孔子爲先聖顏子配饗  
述聖子思子宋大觀二年從祀端平二年升列位哲咸淳三年配饗

(西配)

宗聖曾子唐開元八年從祀宋咸淳三年配饗

亞聖孟子宋元豐七年配饗

以上配位。宋以前皆稱封爵。元至順元年。贈顏子兗國復聖公。曾子郳國宗聖公。子思子沂國述聖公。孟子鄒國亞聖公。明嘉靖九年。改稱復聖顏子。宗聖曾子。述聖子思子。亞聖孟子。清朝因之。

(東哲)

先賢閔子唐開元八年從祀

先賢冉子唐開元八年從祀

先賢端木子唐開元八年從祀

先賢仲子唐開元八年從祀

先賢卜子唐貞觀二十一年以經師從祀開元八年以十哲從祀

先賢有子唐開元二十七年從祀清乾隆三年升列哲位

(西哲)

先賢冉子唐開元八年從祀

先賢宰子唐開元八年從祀

先賢冉子唐開元八年從祀

先賢言子唐開元八年從祀

先賢顓孫子唐開元二十七年從祀宋咸淳三年升列哲位

先賢朱子宋建炎四年生慶元六年卒年七十一淳祐元年從祀清康熙五十一年升列哲位

以上哲位。宋以前皆稱封爵。明嘉靖九年。改稱先賢某子。清朝因之。有子、朱子、升列哲位。從一例。

（東廡先賢）

先賢公孫僑左傳魯襄公八年始見昭二十年卒清咸豐七年從祀原西廡同治二年改移東廡

先賢林放唐開元二十七年從祀明嘉靖九年改祀於鄉清雍正二年復祀原西廡同治二年改移東廡

先賢原憲唐開元二十七年從祀

先賢南宮适唐開元二十七年從祀

先賢商瞿唐開元二十七年從祀

先賢漆雕唐開元二十七年從祀

先賢司馬耕唐開元二十七年從祀

先賢梁鱣唐開元二十七年從祀

先賢冉孺唐開元二十七年從祀

先賢伯虔唐開元二十七年從祀

先賢冉季唐開元二十七年從祀

先賢漆雕徒父唐開元二十七年從祀

先賢漆雕哆唐開元二十七年從祀

先賢公西赤唐開元二十七年從祀

先賢任不齊唐開元二十七年從祀

先賢公良孺唐開元二十七年從祀

先賢公肩定唐開元二十七年從祀

先賢鄒單唐開元二十七年從祀

先賢罕父黑唐開元二十七年從祀

先賢榮旂唐開元二十七年從祀

先賢左人郢唐開元二十七年從祀

先賢鄭國唐開元二十七年從祀

先賢原元唐開元二十七年從祀

先賢廉潔唐開元二十七年從祀

先賢叔仲會唐開元二十七年從祀

先賢公西輿如唐開元二十七年從祀

先賢邾巽唐開元二十七年從祀

先賢陳元唐開元二十七年從祀

先賢琴張唐開元二十七年從祀

先賢步叔乘唐開元二十七年從祀

先賢秦非唐開元二十七年從祀

先賢顏噲唐開元二十七年從祀

先賢顏何唐開元二十七年從祀明嘉靖九年罷清雍正二年復祀

先賢縣亶清雍正二年從祀

先賢牧皮清雍正二年從祀原西廡同治二年移東廡

先賢樂正克清雍正二年從祀

先賢萬章清朝雍正二年從祀

先賢周敦頤宋天祐元年生熙寧六年卒年五十七淳祐元年從祀

先賢程顥宋道明元年生元豐八年卒年五十四淳祐元年從祀

先賢邵雍宋大中祥符四年生熙寧十年卒六十七咸淳三年從祀

(西廡先賢)

先賢蘧瑗 左傳魯襄公十四年始見卒年無考史記定公十四年孔子猶主蘧伯玉家其卒後於公孫僑蓋三十餘年唐開元二十七年從祀明嘉靖九年改祀於鄉清雍正二年復祀原東廡同治二年改移西廡

先賢澹臺滅明唐開元二十七年從祀原東廡清同治二年改移西廡

先賢宓不齊唐開元二十七年從祀

先賢公冶長唐開元二十七年從祀

先賢公皙哀唐開元二十七年從祀

先賢高柴唐開元二十七年從祀

先賢樊須唐開元二十七年從祀

先賢商澤唐開元二十七年從祀

粘先賢巫馬施唐開元二十七年從祀

先賢顏辛唐開元二十七年從祀

先賢曹卹唐開元二十七年從祀

先賢公孫龍唐開元二十七年從祀

先賢秦商唐開元二十七年從祀

先賢顏高唐開元二十七年從祀

先賢壤駟赤唐開元二十七年從祀

先賢石作蜀唐開元二十七年從祀

先賢公夏首唐開元二十七年從祀

先賢后處唐開元二十七年從祀

先賢奚容蒧唐開元二十七年從祀

先賢顏祖唐開元二十七年從祀

先賢句井疆唐開元二十七年從祀

先賢秦祖唐開元二十七年從祀

先賢縣成唐開元二十七年從祀

先賢公祖句茲唐開元二十七年從祀

先賢燕伋唐開元二十七年從祀

先賢樂歆唐開元二十七年從祀

先賢狄黑唐開元二十七年從祀

先賢孔忠 唐開元二十七年從祀

先賢公西葳 唐開元二十七年從祀

先賢顏之僕 唐開元二十七年從祀

先賢施之常 唐開元二十七年從祀

先賢申枏 唐開元二十七年從祀

先賢左邱明 唐貞觀二十一年以經師從祀

先賢秦冉 唐開元二十七年從祀 明嘉靖九年罷 清雍正二年復祀

先賢公明儀 清咸豐三年從祀 原東廡 同治二年改移西廡

先賢公都子 清雍正二年從祀

先賢公孫丑 清雍正二年從祀

先賢張載 宋天禧四年生 熙寧十年卒 年五十八 淳祐元年從祀

先賢程頤 宋明道二年生 大觀元年卒 年七十五 淳祐元年從祀

以上先賢位。宋以前。從祀者皆稱封爵。明嘉靖九年。改稱先賢某子。周張程邵五子。嘉靖時稱先儒。崇禎十五年。改稱先賢位在七十子之下。漢唐諸儒之上。清俱稱先賢不稱子。

(東廡先儒)

先儒公羊高 子夏弟子 唐貞觀二十一年從祀

先儒伏勝 秦博士 唐貞觀二十一年從祀



先儒毛亨

年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年太平御覽引毛詩正義云荀卿授漢人魯國毛亨則是秦漢間人清同治二年從祀

先儒孔安國

漢武帝時爲博士侍中唐貞觀二十一年從祀原西廡清同治二年改移東廡

先儒后蒼

漢宣帝時爲博士明嘉靖九年從祀

先儒許慎

漢安帝時爲涑長清光緒二年從祀

先儒趙岐

後漢建安六年卒年九十餘歲清宣統時從祀

先儒鄭康成

漢永建二年生建安五年卒年七十四唐貞觀二十一年從祀明嘉靖九年改祀於鄉清雍正二年復祀原西廡同治二年改移東廡

先儒范寧

晉咸康五年生隆安五年卒年六十三唐貞觀二十一年從祀明嘉靖九年改祀於鄉清雍正二年復祀原西廡同治二年改移東廡

先儒陸贄

唐天寶十三年生永貞元年卒年五十二清道光六年從祀

先儒范仲淹

宋端拱二年生皇祐四年卒年六十四清康熙五十四年從祀

先儒歐陽修

宋景德四年生熙甯五年卒年六十六明嘉靖九年從祀

先儒司馬光

宋天禧三年生元祐元年卒年六十八咸淳三年從祀原西廡清同治二年改移東廡

先儒謝良佐

宋皇祐二年生崇甯二年卒年五十四與楊時同稱程門四先生清道光二十九年從祀

先儒呂大臨

宋程子門人生卒年無考清光緒二十一年從祀

先儒羅從彥

宋熙甯五年生紹興五年卒年六十四明萬曆四十一年從祀

先儒李綱

宋元豐六年生紹興十年卒年五十八清咸豐元年從祀原西廡同治二年改移東廡

先儒張栻

宋紹興三年生淳熙七年卒年四十八景定二年從祀原西廡清同治二年改移東廡

先儒陸九淵

宋紹興九年生紹熙三年卒年五十四明嘉靖九年從祀原西廡清同治二年改移東廡

先儒陳淳

宋紹興二十三年生嘉定十年卒年六十五清雍正二年從祀

先儒眞德秀宋淳熙五年生端平二年卒年五十八明正統二年從祀原西廡清同治二年改移東廡

先儒何基宋淳熙十五年生咸淳四年卒年八十一清雍正二年從祀原西廡同治二年改移東廡

先儒文天祥宋端平三年五月二日生元至元十九年卒年四十七清道光二十三年從祀原西廡同治二年改移東廡

先儒趙復生卒年無考以宋端二年至北庭當列元儒之首清雍正二年從祀

先儒金履祥宋紹定五年生元大德七年卒年七十二清雍正二年從祀原西廡同治二年改移東廡

先儒劉因元至元三十年卒年四十五清宣統時從祀

先儒陳澧宋景定二年生元至正元年卒年八十一清雍正二年從祀原西廡同治二年改移東廡

先儒方孝孺元至正十七年生明建文四年卒年四十六清同治二年從祀

先儒薛暄明洪武二十二年生天順八年卒年七十六隆慶五年從祀原西廡清同治二年改移東廡

先儒胡居仁明宣德九年生成化二十年卒年五十一萬歷十二年從祀

先儒羅欽順明成化元年生嘉靖二十六年卒年八十三清雍正二年從祀

先儒呂柟明成化十五年生嘉靖二十一年卒年六十四清同治二年從祀原西廡是年改移東廡

先儒劉宗周明萬歷六年生清順治二年卒年六十八道光二年從祀原西廡同治二年改移東廡

先儒孫奇逢明萬歷十二年生清康熙十四年卒年九十二道光八年從祀原西廡同治二年改移東廡

先儒張履祥明萬歷三十九年生清康熙十三年卒年六十四同治十年從祀

先儒陸隴具明崇禎三年生清康熙三十一年卒年六十三雍正二年從祀原西廡同治二年改廢移東廡

先儒張伯行清順治八年生雍正三年卒年七十五光緒四年從祀

先儒顧炎武明萬歷四十一年生清康熙二十年卒年六十九光緒三十年從祀

先儒李懋清康熙時舉人民國三年從祀

(西廡先儒)

先儒穀梁赤 子夏弟子唐貞觀二十一年從祀

先儒高堂生 秦末漢朝人唐貞觀二十一年從祀

先儒董仲舒 漢武帝初年對策爲江都相元至順元年從祀原東廡清同治二年改移西廡

先儒劉德 漢河間獻王元光五年卒清光緒三年從祀

先儒毛萇 漢河間獻王博士當武帝時唐貞觀二十一年從祀

先儒杜子春 漢永平初年年九十唐貞觀二十一年從祀原東廡清同治二年改移西廡

先儒諸葛亮 漢光和四年生建興十二年卒年五十四清雍正二年從祀原東廡同治二年改移西廡

先儒王通 隋開皇四年生義甯二年卒年三十五 一作開皇二年生年三十七明嘉靖九年從祀原東廡清同治二年改移西廡

先儒韓愈 唐大歷三年生長慶四年卒年五十七宋元豐七年從祀

先儒胡瑗 宋淳化四年生嘉靖四年卒年六十七明嘉靖九年從祀

先儒韓琦 宋大中祥符元年生熙甯八年卒年六十八清咸豐二年從祀原東廡同治二年改移西廡

先儒楊時 宋皇祐五年生紹興五年卒年八十三明宏治八年從祀原東廡清同治二年改移西廡

先儒游酢 宋皇祐五年生宣和五年卒年六十一清光緒十八年從祀

先儒尹焞 宋熙寧四年生紹興十二年卒年七十二清雍正二年從祀

先儒胡安國 宋熙甯七年生紹興八年卒年六十五明正統二年從祀

先儒李侗 宋元祐八年生隆興元年卒年七十一 明萬曆四十一年從祀原東廡清同治二年改移西廡

先儒呂祖謙 宋紹興七年生淳熙八年卒年四十五景定二年從祀原東廡清同治二年改移西廡

先儒袁燾 宋紹興十四年生嘉定十七年卒年八十一清同治七年從祀

先儒黃榦 宋紹興二十二年生嘉定十四年卒年七十清雍正二年從祀

先儒輔廣 宋朱子門人卒年無考清光緒五年從祀

先儒蔡沈 宋乾道三年生紹定三年卒年六十四明正統二年從祀原東廡清同治二年改移西廡

先儒魏了翁 宋淳熙五年生嘉熙元年卒年六十清雍正二年從祀原東廡同治二年改移西廡

先儒王柏 宋慶元三年生咸淳十年卒年七十八清雍正二年從祀原東廡同治二年改移西廡

先儒陸秀夫 宋端平三年十月八日生祥興二年即元至元十六年卒年四十四清咸豐九年從祀

先儒許衡 宋嘉定二年生元至元十八年卒年七十三皇慶二年從祀

先儒吳澄 宋淳祐九年生元統元年卒八十五年明正統八年從祀嘉靖九年罷清乾隆二年復祀原東廡同治二年改移西廡

先儒許謙 元至元七年生後至元三年卒年六十八清雍正二年從祀原東廡同治二年改移西廡

先儒曹端 明洪武二年生宣德九年卒年五十九清咸豐十年從祀原東廡同清二年改移西廡

先儒陳獻章 明宣德三年生宏治十三年卒年七十三萬歷十二年從祀

先儒蔡清 明景泰四年生正德三年卒年五十六清雍正二年從祀

先儒王守仁 明成化八年生嘉靖七年卒年五十七萬歷十二年從祀原東廡清同治二年改移西廡

先儒呂坤 明嘉靖十五年生萬歷四十六年卒年八十三清道光六年從祀

先儒黃道周 明萬歷十三年生清順治三年卒年六十二道光五年從祀原東廡同治二年改移西廡

先儒陸世儀 明萬歷三十九年生清康熙九年卒年六十一光緒元年從祀

先儒湯斌 明天啓七年生清康熙二十六年卒年六十一道光三年從祀原東廡同治二年改移西廡

先儒黃宗羲 明萬歷三十八年生清康熙三十四年卒年八十六光緒三十年從祀

先儒王夫之 明萬歷四十七年生清康熙三十一年卒年七十四光緒三十年從祀

先儒顏元清順治中補諸生民國三年從祀

以上先儒位。明嘉靖以前從祀者。皆稱封爵。嘉靖九年。改稱先儒某子。清朝稱先儒不稱子。

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

以上正位。明嘉靖九年。於

大成殿後。立啟聖祠。祀叔梁公。清朝雍正元年。詔封

孔子先世以王爵。合祀五代。更名啓聖祠。爲

崇聖祠。

(東配)

先賢孔氏孟皮清咸豐七年配饗

先賢顏氏名無繇唐開元二十七年從祀明嘉靖九年配饗

先賢孔氏名鯉宋咸淳三年從祀明嘉靖九年配饗

(西配)

先賢曾氏名點唐開元二十七年從祀明嘉靖九年配饗

先賢孟孫氏名激明嘉靖九年配饗

(東廡先儒)

先儒周氏名輔成年無考明萬曆二十三年從祀

先儒程氏名珦宋景德三年生元祐五年卒年八十五明嘉靖九年從祀

先儒蔡氏名元定宋紹興五年生慶元四年卒年六十四明嘉靖九年從祀

(西廡先儒)

先儒張氏名迪年無考清雍正二年從祀

先儒朱氏名松宋紹聖四年清紹興十三年卒年四十七明嘉靖九年從祀

以上先賢先儒位。明嘉靖時。稱先賢某氏。先儒某氏。清朝因之。

謹案附祀

文廟。唐貞觀時。止有二十二經師。開元時。祀孔子弟子。沿及宋代。增周程張朱邵六子。及韓愈、司馬光、張栻、呂祖謙、四人。嘉靖時。所定先賢。凡六十二人。先儒二十九人。後復增祀六人。清雍正間。釐定祀典。增祀二十人復祀六人。乾隆二年。復祀吳澄一人。自道光二年。至同治七年。又增祀十八人。惟道光以前。兩廡先賢先儒名位。均經廷臣考據史傳。按年次序。載在欽定會典通禮諸書。自道光二年以來。增祀賢儒。但就祀位之多寡。年代之先後。隨時酌擬增入。同治二年。禮部以就一廡而論。尙無凌躐。而合兩廡而論。不免參差。謹遵乾隆十八年之例。考據史傳。暨先儒之文集。按年次序開單請旨。並申明先賢中增祀公孫僑、公明儀、二人。公孫僑年先於遽瑗。應在遽瑗之上。請以公孫僑、移於東廡第一位。遽瑗移於西廡第一位。林放既與遽瑗並稱。移於東廡第二位。而

移澹臺滅明於西廡第二位。牧皮爲孔子弟子。公明儀爲曾子弟子。請移牧皮於東廡第三十五位。移公明儀於西廡第三十五位。其餘先賢之位。悉仍其舊。先儒則各就時代。按其生卒。一東一西。以次排列。奏請欽定。同治二年六月二十五日。奉旨依議。光緒朝。以漢許慎。清張伯行、從祀東廡。漢劉德。宋輔廣游酢。清陸世儀。從祀西廡。而顧炎武、黃宗羲、王夫之。亦於光緒三十年從祀。宣統間。以趙岐、劉因。從祀。民國三年。以顏元、李塔、從祀。位置在湯斌顧炎武之次。

#### 附丁祭禮節

民國初立。國家多故。祀

孔之典。未遑顧問。旋政府以祀

孔禮典。關係至鉅。未便久廢。飭令照舊舉行。惟儀節除廢拜跪之外。未有頒定。一切仍沿清舊。茲節清通禮附錄於后。

#### 直省府州縣廟祀

先師孔子。皆以歲春秋仲月上丁。行釋奠禮。省會正獻以總督若巡撫一人主之。兩序以道員各一人。兩廡以知府同知各一人。眡割牲。省齋盛。以道員各一人。糾儀以教授訓導各一人。司祝司香司帛司爵司饌引贊通贊引班。以學弟子員嫻禮儀者執事。在城文武官縣丞千總以上。咸與祭。班與外朝會同致齋二日。祭前一日。有司飭廟戶。潔掃殿廡內外。眡割牲官。公服詣神廚眡割牲如儀。正獻官。率執事人。入學習儀。教官率樂舞諸生。入學習舞習吹。祭之日。陳設省齋。祀官偕執事人。咸入就位。行禮儀節。均與太學遣官釋奠同。

饒節詳大清通禮 祝辭曰。維某年月日。某官某致祭於

至聖先師孔子曰。惟

先師德隆千聖。道冠百王。揭日月以常行。自生所未有。屬

文教昌明之會。正禮和樂節之時。辟雍鐘鼓。咸恪薦於馨香。泮水膠庠。益致嚴於籩豆。

茲當仲春秋祇率彝章。肅展微忱。聿將祀典。以

復聖顏子

宗聖曾子

述聖子思子

亞聖孟子配。尚

饗。

昭平之章初迎神時奏之

大哉孔子。先覺先知。與天地參。萬世之師。祥徵麟絨。韻答金絲。日月既揭。乾坤清夷。

宣平之章初獻禮時奏之舞羽籥之舞

予懷明德。玉振金聲。生民未有。展也大成。俎豆千古。春秋上丁。清酒既載。其香始升。

秋平之章亞獻禮時奏之舞同初獻

式禮莫愆。升堂再獻。響協鼗鏞。誠孚壘甌。肅肅雍雍。譽髦斯彥。禮陶樂淑。相觀而善

叙平之章終獻禮時奏之舞同亞獻

自古在昔。先民有作。皮弁祭菜。於論斯樂。惟天牖氏。惟聖時若。彝倫攸叙。至今木鐸。



懿平之章徵饌時  
奏之

先師有言。祭則受福。四海鬻宮。疇敢不肅。禮成告徹。毋蔬毋瀆。樂所目生。中原有菽

。德平之章送神時  
奏之

鳧繹峨峨。洙泗洋洋。景行行止。流澤無疆。聿昭祀事。祀事。孔明。化我蒸民。育我膠庠。

### 舊學制學田附

學制自唐始定。(唐)制州縣學生。上縣四十人。中縣三十人。下縣二十人。(宋)凡學皆隸國子監。有三舍校試之法。(元)雖有蘇古色目漢人各半之例。然皆國學額。而州縣學額則無聞。至(明)洪武二年。令郡縣建學校。定生員名額。府學四十人。州縣以次減十。仍免其家差徭二丁。生員專治一經。以禮樂射御書數設科分教。宣德元年。定增廣生員額數。縣學二十人。於是初設食廩者謂之廩膳生員。增廣者謂之增廣生員。正統十二年。令於額外增取附於諸生之末。謂之附學生員。廩膳增廣。則以歲科兩試等第高者補充之。非廩生久次者。不得充歲貢。其未入學者。通謂童生。初生員入學。從巡按御史布按兩司。及府州縣選取。至正統元年。始置提調學校官。專司考試。及關學校事。在任三歲。兩試諸生。(清)沿明制。初定各直省取進童生。大府二十名。廩膳生三十八名。增廣生員名數同。定一年一貢。大州縣十五名。廩膳生縣學二十名。增廣生員名數同。定二年一貢。雍正二年。禮部題准廣西宣化縣。向係大學。宜照府學額取進二十名。以上均見通考續  
通考皇朝通考按清制。三年兩考。其學使皆由朝得命。專摺入奏。初考為歲試。再考為科試。自後以邊遠郡縣。距

離省垣寫遠。供億上多感未便。奏准兩考同時舉行。以省煩費。仍照章歲科分考。以符定制。每試均分二場。每場以一日爲限。不准繼燭。頭場四書文一篇。經文一篇。律詩八韻。爲完卷。科試如之。優者得列頭場榜。再試二場。是爲覆試。相符者。附生准補廩膳生。文童得取進入學。不及格者。廩生停廩餼。增附生降等。童生再待來考。此校士之大畧也。又有經古場。於歲科試前行之。試以經義策論書判詩賦等雜作。此場不入正額。不試者聽。至府學額。視各屬優秀份子多者。佔撥多數。我經歷屈佔府額。恒在十分之七八。又試士之法。所定規則過嚴。如題目錯落。文理不遵朱註。詩押出韻。及平仄不調。謂之失粘。書法潦草。添註塗改太多。墨瀋污卷。卷子割補。各種種。犯此者。雖文字優美。亦

### （附府學田）

（府志）一田六十畝一分九釐。共二百三十坵。坐落宣化縣下南鄉三圖八冬劉村。額載糧米一石五斗五升。每年上納糧銀一兩八錢九分。納倉米七斗二升。收租穀五十九石。係八斤斗。一田九十八畝三分八釐。共一百三十坵。坐落宣化縣太平鄉一圖四冬團黎團蘇二村。額載糧米四石三斗四合有奇。每年上納糧銀五兩二錢六分。納倉米一石三斗。收租穀五十四石七斗八升。係十六斤斗。一田一頃五十七畝七分二釐。坐落宣化縣北鄉新墟赤土北湖三村。每畝折租不等。其該銀一十四兩。內除荒田失收銀八兩。現徵熟田五十九畝六分七釐。每畝租米二斗七升。至三斗不等。每年共收米一十七石六斗。除糶價辦解學租銀六兩。餘米存學。一田坐落永淳。縣水東三圖五冬那蓮村。額載黃繼生戶。內納米二石一斗四合有奇。每年上納糧銀三兩五錢六分。納倉米一斗一升二合有奇。收租穀六十石。係十六斤斗。一學前塘一口。每年收租銀八錢。辦解學租。一倉西門城內舖地六間。每年收租銀五兩九錢八分。以上六項。每年照額收租。變價辦解學租。及上納宣化永淳二縣錢糧倉米外。其餘教授訓導。均牧以爲生員月課季考飯菜之費（縣學田）一西鄉田三十六畝八分。額收租銀一兩七錢。一西鄉田四十畝。額收租銀四兩。一西鄉田三十二畝。額收租銀三兩二錢。以上四共田一頃二十六畝八分。共二百一十五坵。每年除荒外。額收租銀一十二兩五錢八分。水脚銀七錢六分。填平銀四

錢。移縣轉解。每年編徵條丁銀十六兩五錢八分。遇閏加銀三錢八分七釐九毫有奇。外徵丁銀一錢九厘六毫有奇。徵本色米五石六斗四升。俱在太平圖副三冬縣儒學戶輪納。又太平鄉平峒吳村田一十二畝三分八釐二毫有奇。地僻久荒。一倉西門月城內舖四間。租銀四兩。(府義學田) 一田二頃八十畝二分七釐二毫有奇。共四百五十五畝。每年收租穀二百四十四石。田每畝陞科四升二合八勺。該秋糧米一十二石。塘每畝陞科五升。該秋糧米二石三斗。每年共該秋糧米一十四石三斗。每石編徵銀一兩二錢一分二毫有奇。每兩增丁銀七釐七毫有奇。共該徵銀一十七兩四錢四分三毫有奇。每石編徵本色米二斗八升有奇。共該徵米四石一升有奇。俱於宣化縣太平三圖九冬戶內輪納。清康熙五十五年。知府沈元佐捐置。嗣因隱佔田塘租多田少。佃丁逃散。乾隆六年。知府蘇士俊。委宣化縣知縣吳逢年清查原售隱匿那臘村田四十四坵。少租穀三十九石九斗六升。原匿者以壇留村田足其坵與租之數。並追出私佔魚塘一案。又田八十四坵。每年收租穀五十石。坐落新甯州如禾四圖十冬那臘塘底派逢等處。該秋糧米。二石六斗。乃沈守置爲清真寺祀田。於康熙五十七年。亦歸入義學。并文昌祠香火。以上二頃田。每年共收租穀。二百九十石。近因高阜荒旱。歷年減讓。祇收租穀二石七斗六升。委遷龍司巡檢管收。糶銀解府。給資膏火。其錢糧以塘租抵納。

## 書院

自唐開元設立麗正書院。以集文學之士。遂爲後世設立書院之嚆矢。在宋則有白鹿等四大書院爲最著。自是以來。日益增多。明時書院講學之風最盛。府州縣皆徧設書院。清因之。然我縣書院。明朝所立者。皆已久廢。惟敷文書院巋然獨存。餘皆清立。調查如下。

敷文書院 在北門街口。即縣學舊址明嘉靖七年。新建伯王守仁征思田駐邕時。建有正廳。東西廊房。後廳。日集諸生。講學其中。後人因立公像於後廳。春秋祀之。名爲文成公祠。

後有田塘園地。前有講學臺。民國初猶存。

(王守仁書院記) 嘉靖丙戌夏。官兵伐田。隨與思恩相比復煽。集軍四省。洶洶連年。於時皇帝憂憫元元。容有無辜

而死者乎。乃命新建伯臣王守仁。曷往視師。勿以兵殲。其以德綏。乃班師撤旅。散其黨翼。宣揚至仁。誕敷文德。凡亂之起。由學不明。人失其心。肆惡縱情。遂相侵暴。洙成叛逆。中土且然。而况夷狄。不教而殺。帝所不忍。孰近弗繩。而遠能準。爰進諸生。爰闢講室。決蔽啓迷。雲開日出。各悟本心。匪從外得。厥風之動。翕然無遠。諸夷感慕。如莫斯偃。我則有滅。帝不我殄。釋於自縛。泣訴有滋。旬日來歸。七萬一千。穢穢道路。踊躍權

以加焉。明明天子。神武不殺。好生之德。上下孚格。神運無方。莫窺其迹。爰告思田。毋忘帝德。旣勒山石。昭口赫赫。復識於此。俾知此院之所始。經理書院事宜（王文成公全集）云據參事吳天挺呈稱。將南甯城西二壕花利。通收府庫。支與書院師生應用。剩銀修理。仍置教官。私宅號房。以爲定規。看得所呈事宜。足見該道官留心學校。興起士習之美意。俱准照議施行。但事無成規。難垂久遠。而管理非人。終歸廢墜。該道仍須置立文簿。將區處事宜。逐件開載。給付該府縣學。及管理書院官。各收一本存照。相繼查考舉行。以防日後埋沒侵漁之弊。仍於各教官內。推舉學行端方。堪爲師範者。呈來定委。專管書院諸務。訓勵諸生。庶幾法立事行。人存政舉。而今日書院之設。爲不虛矣。仍行提督學校官知會。一體查核舉行。及備行該府縣學官吏師生查照施行。俱毋違錯。此繳。（山長季本建敷文書院修德息兵序）嘉靖丁亥歲。思田弗靖。撫臣議往征之。集兵四省者二年矣。時生靈抱鋒鏑之憂。郡縣坐供輸之苦。維皇上勵精圖治。軫念元元。特起我陽明夫子於家。俾往定其地。累疏以疾辭。弗獲。乃抵南寧。則謂邊彝所以弗率者。爲遠於聲教。不得蒙至治之澤爾。吾旣不能撫綏。又從而虔劉之。此與罔民何異。於是大宣天子德聲。圖維息衆。乃度郡東北隙地。建敷文書院。日進諸生。與之從容講學。以示誕敷文德之意。由是思田之民。仰慕德化。自縛來降。至則諭以恩威。衆咸感泣。乃悉解其縛。而放之歸農。蓋萬一千餘人焉。昔伯禹征有苗。三旬逆命。班師旅以修德。舞干羽於兩階。雍容七旬。而有苗來格。蓋惟堯舜之時。有此盛舉。後世莫能及。亦惟不可及也。而吾夫子爲是。何其易易哉。夫天下之道。良知盡之矣。堯舜之所以爲堯舜。職此而已。孟子曰。人皆可以爲堯舜。其不以此歟。聖賢旣遠。道學不明。人見聖人之萬理完具。隨處充周。以爲無所不知。無所不能也。往往求之於見聞之多。事功之著。而不要其本於良知。汗漫無統。勞苦難成。則以聖人爲不可及矣。自吾夫子卽固有之良知。洩不傳之聖祕。以明天之明令。本但如是其易。而非假乎一毫之強爲。是則人之所宜矣。而道之所口口無他口也。然而絕學之後。強然驟聞。高明之士。或契於心。亦未敢信。夫聖人之道。止於是而必可學也。且謂夫子謫官龍場。居危三載。困心衡慮之餘。反已自修之實。超然獨悟。非由揣摩。及其賜環而歸。身任斯道。惟以其良知之學。益致之於日用之間。細微曲折。罔有或遺。故不事他求。而學已入於聖域矣。是以數歷中外。往輒有功。剪除奸兇於南贛。戡定禍亂於江西。偃息談笑。若無事焉。非古之所謂不大聲以色者耶。旣而功名見忌。讒構相尋。則又泰然脫畧無所動。潛避形踪。若終身焉。非古之所謂不見知而無悶者耶。此皆聖人積漸之德。而人之所難也。由今觀之。其果難哉。其果出於良知之外哉。至於思田之柔服。分明堯舜之氣象矣。然則堯舜爲可學者。於是又有以驗其必然也。其果難哉。其果出於良知之外哉。諸生聞吾夫子良知之教。而又親見夫德化之行。莫不奮然興起。願學聖人。然而聞者弗詳。傳或易失。又吾夫子所深憊憊也。以本久著門下。嘗聞此學。而方從事軍前。日且閒暇。乃使之領書院事。以申明之。本旣承命。反覆曉告諸生。而諸生之感於教化者。思共戈之旣息。懷德澤於無窮。乃屬父老而以告於本。將圖序其成績。本維吾夫子盛德大業。史官所書。後世所式豈末

學所能贊一辭哉。顧以致良知之說。乃吾夫子所雅言以教人爲堯舜者也。故特舉之。以明今日成功之本。使夫學者聞之。庶不疑於所從焉。

十六年。知府郭楠修。萬歷十一

年。左江道陳希美知府陳紀等修復。

（陳希美修復數文書院記）萬歷癸未秋。余備左江兵事。弭節邕管。以視事之三日。循故事視學閱武。又二日閱城。口中有一字。寵

從崔巍。環以古木。葳蕤鬱葱。矯矯焉有凌厲塵寰之象。余從從官問之。從官曰。此新建伯王文成公平田州時所創書院也。自嘉靖戊子。迄今垂六十年。前爲口政所格。罷天下諸路書院。因改爲別署。然中有公像。有司不忍毀。

猶以屏隱約而藏之。余亟命有司撤其屏。肅瓣香瞻拜祠下。見其院第荒蕪。撫然歎曰。奈何以先正經畧之地。顧廢置書壇之若此。卽上其事於三院。而檄有司修復之。時總制兩廣右都御史今參贊郭公應聘。先巡撫廣西都御史今總

制吳公文華。巡按廣西監察御史黃公。僉報曰可。乃擇日鳩工。有司參伍捐餘鑲以佐。俾宣化簿蕭志董其後。前爲大門。門扁曰敷文書院。公舊所題名也。手澤猶存焉爾。中爲儀門。又中爲大堂。堂扁曰耀德堂。公所敷文降虜處

也。兩廊各翼以精舍。十八楹。後爲後堂。邃然特起。前道僉事歐陽公瑜。扁其上曰道德功勳。奉公像以居。面爲對越亭。旁各翼以精舍如前廊式。後爲公石像。友最後就平衍地築臺。高數尺。置屋數楹。其上扁曰洗心臺。志道

德功勳之所自出也。而各翼以餘椽。樹以勁木。于是門垣庭階。井竈廟壝。巍然煥然而公之精英靈爽。恍乎若有襲於其上。邕人士相與咨嗟嚮慕。彙聚其中。友德問業。雍雍如也。而屬記於余。余惟。我公抱命世之材。倡絕學於

千載。昭揭良知之旨於天下。其發之而爲事業。煥之而爲氣節。爲文章。載在國史。天下能播之。後世能傳之。余復奚庸於綴言。獨以公平田州之功。經畧茲土者。乃其精神學脈之所存。有不得而泯者耳。方盧蘇。王受之挾邦相反

也。櫓槍蹶張。兩江震撼。粵以西蓋半糜躪于干戟。世廟震怒。一時易置文武大吏。用廷議。以公夙望。就其家起爲尙書口兵柄提督兩廣江湖四省軍務。帥師討之。命下。諸酋長相與咋舌謂曰。是嘗擒宵藩。剿閩寇。纍纍掃平大

亂畧者。既讐伏股栗奪氣矣。及公至。則愈韜晦。一切不論口而口集四省兵駐南寧居。口間。曾不少問思田何而事。爰闢書院。日與藩臬幕僚。集諸生講學。卽寮幕亦罕窺其爲。公但密遣人約蘇受曰。爾罪不在貫。然吾知非爾本

心。天兵迫之耳。吾今待爾以不死。其降亟。往復開論。蘇受輩感泣慕義。面縛來歸。降之日。黨凡七萬一千。謹巷市。公數其罪而薄譴之。悉放還農。縣官無亡鏃之費。而兩廣數百萬黔黎。一朝出湯火而衽席之。四省將士。誰

得以解甲休養。亟蒙福祉。公之賜也。事聞。天子嘉悅。使使齎書金幣褒異之。思田以定。夫思田之亂棘矣。前此仗鉞者。悉四省之兵。竭兩江之力。數年討之不能平。公一起而安反側之衆。若弄凡掌股間。雖聖主威靈變化所

及。意其神武不殺之妙機。先隱秘。殆有神授。不可得而測其端。抑良知之學。發越宣暢。日月霜露之所照墜。靡不感通。故不疾而速。不行而至之若此。卽吾蓋求之而莫得其所以然也。故曰出思之功烈。精神學脈之所存也。昔漢伏波平交趾。功在百粵。至於今血食邕管不絕。公十五歲時。夢中卽有銅柱題文之句。韓毅公平田州。國朝

以爲偉烈。公距襄毅若干禩。乃平田州。又以其餘勁。殲藤峽之黨。視韓公且駕軼焉。是其口膚功耀燭。若有前定。匪

偶然者。屬工竣。余既集人士肄習其中。且大會羣寮卿大夫諸士祝公。而告厥成。今天子允言官請從祀廟庭之檄。適下。諸士諸大夫。則又相與咨嗟歎賞。以爲奇邁事。夫公倡絕學千載。先是天下之信者猶相半。其疑者膠轕於朱陸異同之辨。不指之爲禪。詆之爲僞。蓋於良知之說。說也。乃今聖明獨斷。破除羣疑。與館閣大臣。並議口皆稱王守仁是有道學。詔天下郡國。得從祀孔子廟庭。如先臣薛公瑄故事。猗歟偉與。蓋至是而公之學。主上深知之。海內學士大夫深口之。邊方之吏民。又適戮力尊崇而不惑者也。得天下後世之所取裁者也。此所謂建諸天地而不悖。質諸鬼神而無疑。考諸三王而不謬。百世以俟聖人而不惑者也。是非公精神學脈之所融液。浮洽會逢。諸天地而有不可而遏抑者歟。余故備而識之。以告後之君子。暨邕人士之登斯堂者。知學之繫於人大矣。苟得公之說而存之。其於天下之事。求志達道。章往憲來。定大故。平大難。微顯柔剛。潛見惕躍。當無施而不當。其可者矣。工肇於甲申春三月。訖於乙酉之三月。既廢而興復之。故曰修復也。欽差整飭左江兵備兼分巡道廣西等處提刑按察使司僉事前南京貴州道監察御史陳希美撰文。賜進士第亞中大夫南南京太常寺卿前吏部文撰郎中馬平徐濬象額。中憲大夫廣東惠州府知府前戶部山東司郎中郡人李天綸書丹。南甯府知府陳紀許偁。同知葛邦弼。通判陳文。推官萬。宣化縣知縣陳志頤。營工官主簿蕭志。同立石。明末。毀基址爲兵舍。清

康熙九年。左江道宋翔。知府韓等章。取復原地。捐資重建。造大門一座。大堂一座。

後堂一座。立公像。規制煥然一新。

宋翔親爲撰贊缺。

十一年。署知府周起岐重修。

（周起岐重修碑記云）民具知覺之性

。知愛其親。知敬其。達之天下。仁至義盡。禮樂可興。兵刑可措。此孔孟之言。近而易行。行而輒效也。漢唐以來微言幾絕。惟我濂溪公。傳孔孟不傳之緒於千載之後。學者始知嚮。猶惜其未克大用。不盡見諸實事。乃陽明先生。獨舉良知以開示四方。一時功業炳然。諸具不論。論其平定田州一事。方先生治樓船。揚旌旌。蔽江而視此小醜。可以鞭筆折之。而先生按兵朗寧。開誠往諭。至再至三。獨與左右將帥。暨百粵子弟。勸興書院。講學其中。曾不十旬。田州底定。迄今深山窮谷。皆尸祝文成。尊若神明。洵哉良知之說。有以漸靡浹洽。深服其心。而凡有知覺之性者。一感觸之。亦一。至民彝大泯亂也。閱世百年。西粵九郡。日相尋兵。文書院。子爲平地。灌莽叢生。莫有過而問者。歲在。淵獻。僉憲宋公。駐節茲土。首興文教。重爲修復。一時守土諸君子。共襄厥事。凡用材木若干尋。瓦石油漆若干數。工匠若干人。俱捐清俸。不以絲粟擾民。未閱月。而漸次告成。余攝篆之始。與別駕顧君。肅衣而登。見門廡宏以整。階徐臧以平。前堂翬飛。後楹矢直。余俯仰徘徊。粲然以思。悄然以歎。顧君語余曰。我乃知治我寧之易易也。寧偪南交。共設官流三而土居七。民處箚篁溪洞間。既無師儒爲之教誨。孩提之良。皓亡殆盡。又天性悍驚。好行剽掠。不以聖賢之治治之。遂令禮義不交於心。彝倫遏絕。今試語其子。以孝於爾親。語其弟以敬於爾長。語其目族以思於爾主。雖其蠢愚。亦皆頰首聽命。昔文成。治已叛之民。尙整暇有

餘裕。矧今治歸化之民。而有不沛然若流水哉。余心服其言。因思文成之學。即我家濂溪之學。異世同規。咸孔孟之宗子也。余向視學南楚。至永州。修濂溪書院。巍焉爲郡縣最。自念固陋。不克紹衣祖德。每一經遊。北面拜謁。汗流浹背。今顧瞻文成。其未能負荷之思。一如見我濂溪焉。所幸與顧君朝夕砥礪。聞所未聞。以佐不逮。或可黽勉從事云爾。書院既成。大淮郡人士以落之。而記其本末如左。二十五年。知府趙良璧。五十一年。知府戴錦。五十六年。知府沈元佐。同知聞人紳。先後重修。

(聞人紳重修敷文書院記畧) 南寧郡城之北。有曰敷文書院者。乃前明新建伯王文成公奉命征田講學降寇之故地也。寧人德公之不以兵戎。格強暴于几席之間。土地人民得以安全。因即其地像公之形於石。而春秋俎豆之。凡歷二百有餘年。紳世家餘姚。與公同里。先人多受業於公之門。家庭傳述。德於公之道德文章。竊聞知於過庭者甚詳。其豐功偉業。考諸記載。亦畧知其槩。心焉向往之。實匪伊朝夕也。丙申歲。由直隸之順德。量移南甯。向知公有征田之役。嘗建功於是邦。因晤郡之人士。備述當年講學戡亂之故事。並得識其書院而瞻拜之。石上之音容。望之儼然。其肅余心乎。第南方地卑濕。楹棟之間多穴蟻。堂宇俱將頽而莫考。肅條黯澹。有爲人意之所不能安者。乃捐薄俸。購木石。擇緩急。肇工於丁酉年之桂月。竣於壬寅年之春月。道光二十一年。知府劉芟蘭。知縣李天鈺。暨紳士勸捐重修。

(劉夢蘭記云) 世無講學之人。而道學不明。世競講學之名。而道學滋弊。明季講學之風頗盛。而東林復社。禍亂相循。國祚之傾覆繼之。蓋其人本不盡篤行之君子。大都虛聲附和。標榜爲名。妄議是非。以至激成黨禍。即有二三端人正士。不能明燭於幾先。逮禍患既成。即欲引身避之而不得。甚可慨也。夫所謂道學者。學爲孝友忠信之道。以心體之。以身踐之。非以爲名也。非以空託也。其於世更無所庸其忤也。所期講明切究。務爲去私存理。以蘄至於明體達用。斯不愧爲聖人之徒爾。陽明先生。在有明一代。最爲醇儒。其學以致良知爲主。與孟子申明性善之旨。先後同符。一時被其教者。無不傾心悅服。至有愚夫愚婦。聞而感泣者。蓋教亦多術。貴因其所明而牖之。彼稚魯顛愚之子。或不知仁義爲何物。道德爲何名。而人心之靈。莫不有知。良和者。人之所得於天者也。因其本然之知。而引之使覺。則其教不勞而入。而言近旨遠。實已徹性命之指歸。揭大人之闢奧。極宋儒語錄數千萬言。無能出此也。方粵西未靖。諸溪峒夷獠。叛據險隘。抗拒王師。群盜因之。所在嘯聚。先生督師勦撫。殲厥渠魁。降其醜虜。不數月內。悉就蕩平。乃於幕府練兵之暇。幅巾儒服。進邕人士而與之講學。一時聞風興起。遠近偕來。遂至俗易風移。家絃戶誦。先生之經濟學問。體用兼備。具有明效大驗。豈高談性理。毫無實濟者。所可同日語耶。先生去後。人思其德。即其講學書院。建立遺像。守土官歲時奉祀。維虔。余以道光己亥歲。奉命來守邕管。仰瞻遺像。肅拜堂堦。顧棟宇頹頹。亟應修葺。乃謀於郡中文武官紳。捐資倡修。商民人等。亦踴躍捐助。擇日鳩工。庀材。輪奐一新。工既竣。復進郡人士而告之曰。學問之道。不外明善誠身而已。先生之闡良知。以明善也。以誠其

身也。誠能動物。故一時被其風。百世猶思其澤。吾輩學先生之學。務矯夫浮動僞妄之習。而力敦夫踐履篤實之修。識見不能無蔽。思所以擴允之。氣質不能無偏。思所以變化之。先生有知。是宜所爲嘉與者也。不然。縱具衣冠。陳俎豆。升降堂廡。附託門牆。詎能無媿於前賢耶。余不才。勉強學問。忝守斯土。願舉斯語。與郡中諸君子共勉之。

### 附詩詞明王守仁南寧(二首)

一駐南甯五月餘。纔因送遠過僧廬。浮屠絕壁經殘燹。井竈沿村見廢墟。撫恤慚凋敝後。遊觀正及省耕初。近聞<sub>補</sub>負歸猛獍。莫陋夸方不可居。(二)勞矣田人莫遠迎。瘡痍未定犬猶驚。

。燹餘破屋須先緝。雨後荒畝莫廢耕。歸喜逃亡來負襁。貧憐襦袴綴旗旌。聖朝恩澤寬如海。甌<sub>補</sub>盆魚縱爾生。

清周起岐詠敷文書院(一首)南極文星耀。西荒武庫雄。百年留古院。九郡息兵戎。夜月窺心鏡。春需鑄冶銅。斯又今木墜。俎豆賴群公。

明董傳策夏日敷文書院(一首)虛堂夏日敞幽襟。坐看凌霄雙杏林。長銖不堪頻倚賦。多才何意復投簪。風翻雲樹天花落。雨拂烟霞草色侵。清世北遊誰比竊。敦文今已愧傳心。

明楊芳閣王文成公石刻(一首)幾懷名世思翩翩。倚檻靈光頓巋然。洙泗有源從此濬。鼎鐘無處不爭傳。神資上智天軍啓。夢入前賢斗共懸。却愧支離回首際。良知千載是真詮。

清張瓊重修敷文書院(二首)嶺外何緣降德星。依依泮水奏枚甯。師中姓字歸麟閣。道學淵源繼考亭。元老昔年惟偃武。要荒此日盡橫經。西方鐘鼓時盈耳。敢賦山榛隱有苓。(二)格苗曾憶舞干時。未喪新文復在茲。百二山河仗頗牧。三千禮樂集龍夔。正從武事修文事。因

以先知覺後知。自此宮牆訝美富。表章遵應讓宏詞。

清顧鼎植謁文成書院復新(一首)經談虎帳預絲綸。高坐當年程伯醇。嶺外有文能止武。堂上習禮致精禋。雌黃已息持公論。丹麓重增勿陋因。浩氣旁流禽鳥樂。傍簷飛鳥性情馴。

清嚴大謨敷文書院。(一首)要荒無不共尊王。所慮懷柔道未光。千羽兩階祖大禹。良知一席繼陶唐。會因攘息草遺址。重復觀瞻煥肯堂。理學百年新俎豆。兩賢先後起津梁。

清韓章去南甯留題書院(一首)四年虛祿蠹雲樓。頻到先生祠下遊。三徑草荒閒歲月。一庭花落任春秋。偶興應藉羣公力。已去能無片語留。廟貌自新基自古。天風山色兩悠悠。

清駱士慎敷文書院(一首)爲筮師貞吉。將軍詔大儒。樓船橫絕域。戈甲耀蒼梧。止照青藜火。何勞金僕姑。前星推挂矢。中隊看投壺。四海歸無戰。三危格有<sub>補</sub>。柳營屯子弟。蘭館聚生徒。高誦由庚什。常韜遁中圖。聖

容奏六符。至今留廟貌。想望見規模。



清聞人紳敷文書院（十首）舜水毓賢人。有明社稷臣。良知啟後學。大任繼先民。文德垂三立。武功屏六鈞。躋堂欽聖範。欣見舊儒巾。（其二）千羽格苗民。先生踵後塵。立功惟耀德。過化自存神。靈爽千年赫。謨猷奕世躋新。湛思流不盡。邕水並滌滌。（其三）蠢動蘇王侶。思田負固多。觀兵先地利。偃武在人和。指授君親義。申明孝弟科。愚頑自茲格。化雨若滂沱。（其四）伏波稱漢將。銅柱顯功名。繼武由多學。敷文不用兵。詩書為甲冑。禮義作干城。講席今猶在。如聞警效聲。（其五）保障懋勳勞。邊方靖繹騷。攻心為上計。革化口人曹。羽扇風何肅。垂紳道自高。音徽猶未遠。崇祀響雲璈。（其六）生長原同里。居官共此方。後先難並美。景作自非常。感舊傾榱桷。圖新煥廟廓。不辭心力短。黽勉獨承當。（其七）地僻塵囂遠。棲神是福星。映町供稷黍。池水育魚鯖。不啻千秋祀。當知一德馨。洋洋如任上。野騎莫言停。（其八）鑄石傳光霽。文章猶在人。程朱無異學。伊呂再來身。環海聲名舊。邕江德化淳。不敷文教遠。何自識尊親。（其九）道脈從鄒魯。躬行覺世新。雍容休甲士。溫語化頑民。不武而猶武。因人以治人。神攻有異陣。講讓與型仁。（其十）奕世一儒宗。功名着鼎鐘。文成垂令範。新建懋勳庸。異地猶觀感。誰人不景從。後來同志者。莫使若雲封。

東泉書院 在城內。明嘉靖六年建。以祀都御史東泉姚鏌。歲久頽圯。四十二年知府方瑜。

移公像於敷文書院。與文成公并祀焉。（府志）附董傳策東泉書院姚六祠詩（一首）江海英聲早擅奇。懸符陣。孽奴終煽羽于儀。瞻承廟貌空懷古。炎徼烽烟倚阿誰。振鐸亦乘時。兩朝鎮篆推經畧。八桂夸封仗保釐。狂寇漫驚雲鳥

東郭書院 在城東一里。明嘉靖二十九年。知府王貞吉。改千佛堂為之。中廳額曰幼學壯行。有東西齋舍大門。郡人熊林記。今廢。

西郭書院 在城西五里。明嘉靖二十九年。知府王貞吉。以崇善寺改建。正廳額曰尊賢育才。後有廳。前有大門。左右房舍。郡人鄧維科記。今復名寺。

中郭書院 在城南五里。明嘉靖二十九年。知府王貞吉。即堡平廢寺修建。有前廳後堂東西齋舍大門。郡人潘槐記。今廢。

蔚南書院 舊名式南書院。在府治西。城隍廟大街。（即今考）節義祠旁。清康熙五十五年。知

府沈元佐捐建。中祀巡撫陳元龍牌位。

（陳元龍式南書院記）南甯古邕州。民蠻雜處。號稱難治。唐李翱撫以恩信。而民始服。宋狄青攝以威武。而叛始息。然詩書禮樂之治

猶未興。王守仁征思田時。講學於此。遂立敷文書院於北門之內。歲遠而荒矣。予膺簡命。來撫西粵。幸逢聖天子久道化成。太平淪浹之時。文教覃敷。暨於遐裔。全粵之人。胥向風從教。南甯雖距會城千里之外。視聽所不及。守土者得其人。宣上德意。以逮於下。則何往不治。宛平沈君。由全州將內擢部郎。予重其材器。請於朝。俾往守是邦。蓋三年。而果能相與以有成也。既設義學於郡治之左。延明師。集生徒。朝夕肄業其所。絃歌之聲相聞。乃不自以為功。而欲歸美於予。相其中區。建書院焉。以宏大其規模。而聚民之視履。既竣事。懸額請名。磨石請文。予不能辭也。為顏之曰式南。而系以言曰。夫興道致治。化民成俗者。其效驗在下。而事權在上。聖王乘乾御宇。勿遺於遠。而委其奉行之職。於封疆大吏者。即仰體宸衷。以撫綏其所蒞之上。而郡縣有司。不能推而行之。使家喻戶曉。則其效不立。今沈君加意教養。召其秀良者。漸摩詩書之澤。以倡率十州縣漢土之人。不變其俗。可謂無負於為民上矣。不以予無狀。而欲推挹予。以範邕人。若與陽明先生相後。夫子何敢望陽明。所願書院既設。而游息其地者。官長可與議政事。紳士可與談利弊。賓旅可與觀風俗。父老可與問疾苦。子弟可與語孝悌。旁州下邑之吏。有事於郡者。可以顧名思義。溪峒林箐之民。往來其下者。可以聞絃誦。而禮義之心。油然而生。夫然則邕之人。上之無負於聖天子聲教暨訖之遠。下之無負於賢郡守培植之勤。而予刃可藉。是以無憂隕越矣。若夫高閣雕牆。以徒侈耳目之觀。而民不式於教。是豈予與沈君之所望哉。書曰。南國是式。詩曰。式是南邦。其上為可式。其下為能式。交相勉斯得矣。雍正三年。知縣趙成章。劃分其半。以建節義祠。乾隆十五年。學使羅源漢。為易今名。三十八年。知府杜琮。以前守魏志棟所建。坐落府治東偏之育嬰堂基址。易為今書院。（上俱府志）杜琮改置蔚南書院記事有

此以因為因者也。有跡雖田舊。因陋非宜。一為轉移。而厥美彌彰者。此以初為因者也。以因為因者。懼涉紛更。以初為因者。期於盡善。要皆踵前人之良法美意。而傳之以無窮者也。甯郡之有書院。初自康熙五十五年。郡守沈公元佐。捐俸購置於城隍街。講堂書舍。在所畢備。士人賴之。迨雍正三年。奉文改建節義祠。而舍宇遂分其半矣。督學長沙羅公。見夫人文蔚起。蒸蒸日上。為易今名。余辛卯歲。奉命來守是邦。公暇。課士於書院。覘其規模淺隘。生徒濟濟。學舍不敷。亟欲易之。爰度有育嬰堂所貼近府治東偏。蓋前守魏公志棟。因司馬舊署捐構而作也。其祠正廳并東花廳共八間。船房廊舍。不下三十餘間。牆宇峻塏。外有十餘楹。橫直錯列。可容生徒百人。且其地為五花嶺左脈。俯瞰清流。遠拱馴象。縱龍宏曠。尤據形勝之最。以此易彼。則各得其所。事不煩而費不擾。爰請於上官曰。可。乃諷吉日。延山長。率諸生而遷於是焉。舊額碑版。次第遷置。以正廳中為講堂。祀文昌神像。左為長生祠。前

當事牌位附焉。其餘爲諸生學舍。皆逐加修飭。煥然一新。俾肄業其中者。窗明几淨。益濬清機。游目聘懷。愈開靈府。庶幾得其地而相與以有成也。是役也。疑近於初。然亦前人所欲行而未竟之事。余因而成之。轉移甚便。初也而實因之耳。自茲以往。地既鍾靈。人應挺秀。游於期者。爭自濯磨。互相淬勵。佇見士風日上。科甲聯翩。以無負前人興學育材之意。此則余之厚望也夫。（附學田租。）按書院學出租。除四濠租外。（見前濠池）尚有坐落實化新甯二屬之蘇村定迫新興那蜡段電團良定羅那棉潭留等村。每年收租穀。二百四十石七斗六升。塘租銀三十四兩書院內均有碑記。光緒十六年巡撫馬丕瑤命知府彭鑾。知縣陳鳳樓。建藏書樓於頭門內。奏頒書籍數萬餘卷。藏儲其中。以供衆覽。三十一年。并左江書院。改爲南寧初級師範學堂。

左江書院。在府前東街。清同治末年。左江道周星譽。將前道吳德徵查抄之逆產改建。光緒三十一年。合蔚南書院。改爲初級師範學堂。今頭門及第二三進。即其故址。

正誼書院。舊名孫公講院。在蒼西門內烏龍寺旁。清康熙三十八年。士民建爲知府孫明忠

生祠。中祀文昌像。

（劉章孫公書院記）邦伯孫公調邕之十六年。爲康熙戊寅。公俸滿。民慮以最擢去。秋杪。氣不能也。得代如之何。佐官曰。是嘗骨肉我僚屬者也。士者曰。是嘗葺學宮以義方式穀我者也。農者曰。是嘗省役錢示我以信者也。工商者曰。是嘗蠲河下塵稅。不擾吾市者也。初守潯江。民建祠矣。寧至我邕而忍忘耶。郡廩生

劉元清。爰率諸生以建祠。白之公。公固卻。衆曰。公則何事於斯。雖然。於人心有不釋焉。章乃撰緒具札。遍告於六州縣大夫。咸曰然。故是官民各爭捐貲。購求材良工善之廈。得蒼西門烏龍寺旁一所。鳩工庀材。重加修飾。門齋舍堂。俱備。兩閱月而落成。不可無記。章乃言於衆曰。爾知爲公建書院之田乎。書院之制。昉於唐。盛於宋。其著名海內者。有嵩陽、嶽麓、應天、白鹿、四大院。攷其人。皆生平學問事功。靜求身心者。始克富之。昔朱文公以主敬而修白鹿書院矣。王文成以致良知而建敷文書院矣。主敬與致良知。非求諸身心者耶。夫清心寡欲者。進德之本。而致治之原也。蓋天下之治本於道。天下之道本於心。非具靜虛心德者。無以凝之。公惟潛神理學。心不外馳。而渾然知覺得一以靈。靈則以是周生民之故。以是類萬物之情。以是徧德士農工商。而安人安百姓。取諸一心有餘矣。是公之學問事功。皆從身心主靜中得來。其徧德士民。勳業如此。建書院以垂榮陰。烏可少耶。衆愕然曰。子何知公莫之深也。或者阿所好歟。曰不然。公守郡多年。夙具子游知人之明。予亦勵子羽守道之節。未嘗一至公室。阿奚爲耶。第予從事孔聖。頗契主靜淵源。是以形迹不相謀。而精神目符合。書院之建。所以樂爲登高之

呼也。幸而落成。庶幾出入講堂者。憬然悟爲學之有本。以至靜爲始基。而反求諸身心間。則官以靜。生廉明也。士以靜。純涵養也。農工商賈以靜。而敦樸務本。以靜尊藝。以靜居貨也。人人靜其心。省其事。而天下平矣。咸躍然起曰善。遂勒諸石。公宏農人。諱明忠。字省齋。爲人恬靜寡欲。

文學政事。推於時。書院告成。蓋康熙己卯春月也。爰爲之記。後設義學於內。雍正九年。知府其炳易今名。乾隆四十三年。知縣萬廷莘。以知府杜琮。將式南書院所易建之育嬰堂爲之互易。

。記所謂以舊式南爲新正誼者即此。（萬廷莘改正誼書院記）宣化舊有正誼書院。門以內前後屋各三楹。無廊廓庖湢。頭門及左墜三區。歲入租銀九兩。僅穀四十六石。不足爲延師費。肄業者膏火缺然。年代既久。棟宇朽蝕。生徒或僦居附近祠宇。非所以爲講學地也。余以丁酉夏蒞茲

邑。爲之惓惓不置。見有育嬰堂所者。本郡舊置式南書院。講堂書舍。規制夙備。而垣墉傾圮。前太守杜公。以生徒衆多。而育嬰堂所寬廠過於書院。遂詳請互易。以式南書院之區。卽爲今育嬰堂之所。其地方寬衍。復倍於正誼書院。竊念育嬰堂者。使之乳哺有人。棲息無恙。無風雨飄搖足矣。非若書院堂舍。爲士子潛修力學可比。且杜公

司以易育嬰爲書院。則郡之育嬰。與邑之書院。又何岐視焉。於是請於太守德公。以邑之正誼書院。與郡之育嬰所互易。捐工料百餘兩。增置房舍。完固爽礪。幼有所長矣。仍以舊式南爲新正誼。亦捐資修建整翼。煥然一新。復捐銀千兩。或買學田。或權子母供師生膏火。爲經久計。以其事上之大府。咸報可。甫定議。而余適以事去。爰彙舉轉移原委。捐留銀數生息支給。列條目而鑄之石。嘉慶八年。知縣高廷樞

。購買南門正街楊姓屋改建。乃遷今地。計屋三進九間。講堂一座三間。廚房三間。四圍圍以牆垣。道光七年。署縣聞寶桂重修。十七年。知縣柳濟清。查出學庄租穀一萬三千九百八十觔。並魚塘一口。又於節孝祠旁。造舖三間。按碑記府宣統元年。改爲自治研究所。二年。改爲高等小學校。翌年。改爲女學校。民國初。改爲法政學校。今改爲縣自治會。

（附書院田租）黃猛村佃丁周成才、周才勇。每年額租穀三千六百六十觔。上東四圖淶旻村佃丁。粟爲學、粟豐起。額租穀二千八百觔。上東一圖潘村佃丁。梁尙國、梁尙勇、梁尙顯。額租穀一千一百二十觔。

下南四圖石廣村、梁輝儒戶。額租穀一千六百觔。梁雲靜戶。額租穀一千六百觔。梁萬疆戶。額租穀一千六百觔。潭漢村樊雲簡戶。額收租穀一千六百觔。淡村魚塘一口。額租制錢七千文。劉光殿之子承佃。書院內均立有碑記。

修和書院。在式南書院左。清康熙五十五年。沈兀佐建。以祀布政使黃國材牌位。雍正三年。知縣趙成章。奉文改建忠孝祠。後將祠移於府學名宦祠。府志今廢。

廣學書院。在縣東四圖站墟。清乾隆十四年。知縣戴汝槐建。謝通志今圮。

右文書院。在縣南三圖劉墟。清乾隆十四年。知縣戴汝槐建。謝通志今圮。

斑峯書院。在劉墟。清光緒初年。紳士黃玉吾等勸捐建立。縣人鍾德祥記。（鍾德祥般峯書院記。）咸豐中。官

府政法敝壞。盜大起。郡邑鄉里相賊殺攻剽。環般山數百里。無宿夕安枕。十餘歷年稔。而後僅以無事。詩書禮義之教幾蕩然矣。里人長老善長膠庠之儒。慨歎乎風俗之日下。思有以振興其衰。乃哀集諸同心。勸分率人出財。創建書院。度教般山之西。肇工光緒某年月。踰年落成。從來所未有也。將於此講誦經籍儒先之書。而課試其人才。興學勵行。矜式閭閻。決始乎書院。厥功甚偉。德祥時官京帥。實聞而敬之。今年春。被命出。視師南關。便道過般山故居。與立亭羅先生。皎湖黃先生相見。且遍見少時諸同研席友舊道故。同宿書院中。觀經始締造之難。復竊喜讀書彬雅者之日衆。詩書之氣。禮義之俗。庶幾乎親見其盛。而遭逢太平。可從容修業而有餘。異日有魁壘闕達儒者出。而發樹名業。爲時經綸。吾道之不孤。後來者責也。老及高玉者介生昆季。實首創院事。來請記。德祥去般山三十年。乃歸得之望外者也。喜焉記諸石。以貽後之人。光緒乙酉三月三日。鍾德祥駐軍龍州記。今改作小學校。

毓秀書院。即尖峯書院。在縣東五塘墟。清光緒十六年。紳士謝龍光、粟瑄光、滕益泰、覃錫元、周夢熊、覃宏恩等。勸捐建立。今改作小學校。

含文書院。在縣東汶頭墟。清光緒初年。紳士班鳳池等勸捐建立。今改作小學校。

蒲津書院。在縣東蒲廟墟。清光緒元年。紳士顏維城、覃沛恩等。勸捐建立。今改作小學校。

南斌書院。在縣東良慶墟。清光緒入年。紳衆捐建。今改作女小學校。

甲峯書院。在縣南大塘墟。清光緒十七年。紳衆捐建。今改作小學校。

三官書院。初在縣南那曉墟外二里。大王山下。光緒十二年。紳衆捐資。移建於墟頭。今

改作小學校。

按書院爲講學校藝場所。自省而府而縣而鄉。於所在地。官爲之選地方優秀之士。肄業其中。給以膏火。敦請有道之儒。以主講席。名曰山長。每月朔望。或逢三三期。釋菜於先師。諸生環侍講堂。相次執經問難。攷論六經同異。與夫國家治平之畧。入己義利之辨。以故聖賢大義微言。賴此延而勿墜。既退。復課以文藝。以覘其才。而旌獎之。此書院之制也。咸同以後。古制寢微。主講者皆濫竽充數。徒課以制藝帖括。以博科名。而講學之制。遂不復舉行。而學風自此衰矣。

## 義學

附社學

義學。即今義務教育。原爲一般窮黎子弟無力就傅而設。國家嘉惠寒士。用意良殷。宜如何盡心誨迪。以盡天職。乃初時尚能認真。厥後虛應故事。來學者竟無一人。每當委員視學。開學日縣官親到。委員每年視一次。虛設書案。賄債市上貧兒充數。事後即散。以圖掩飾。虛糜公款。殊屬可笑。其他社學類是。可爲浩歎。

一在北門內直街。清康熙三十九年。知府孫調新建。後改爲北倉。五十五年。知府沈元佐。

另建於城隍廟街式南書院左。

（沈元佐建義學碑記）法制有限。而教化無窮。書曰綏服揆文教。又曰聲教訖於四海。古聖王治世。必以是焉爲首務。南甯古邕州地。遠在綏服之外。四

海之陲。距會城千餘里。漢土雜處。輅峒連接。民雖欲善。常患無由。我朝重熙累洽。天子久道化成。文教覃敷。無遠弗屆。而大中丞南寧陳公。復以文學大儒。來撫西粵。振興文治。鼓勵士民。躋之於仁義禮樂之域。我邕亦蒸蒸然不變向風矣。然風俗人物。猶未能與上國抗。噫。豈非守郡者之責歟。元佐不敏。承乏是邦。上感聖主簡拔之恩。暨中丞公知遇之德。深懼隕越。無以宣揚聖化。協助宏猷。下車以來。漸除俗弊。興廢舉墜。區區之心。期以德禮化導我黎赤。而與進於善者。三年於此矣。然而我六州縣之文物。終未大過於曩日者何歟。夫士必羣萃州處。而後其業專。師必傳道解惑。而後其職重。聚之無其地。教之非其人。其功不立。其教不顯。令大中丞所以陶冶

多士者。蓋於桂林廣設義學。集遠近後彥而肄業焉。延請明師、隨材造就。法良而意美。故教立而化行。元佐竊不自量。欲推廣公之德意。因仿王文成敷又遺制。為公勸式南書院。俾朝夕遊其間者。仰而思我公之懃懃引翼。邊方庶爭自濯磨。而於其左建義學一區。招諸生講讀於中。敦聘名宿為之師。自是而元佐之心。亦可以少紓矣。何者。董率有人。肄習有地。雖一時之教。不敢謂如大中丞之盡善。而任之者力。趨之者誠。造之者漸。繼之者永。毋欲遠。毋怠終。優游而及於成。嗚呼。安什遐陬僻壤。不可樹風聲而廣教澤歟。惟邕之士子。振拔淬勵。使我邦人文鬱然勃然。與大邦相頡頏。以副予疇昔之願。是則予之幸也已。義學之制。講堂八間。書舍二十四間。庖廚附焉。置田四百五十五坵。計秋糧十二石。每歲租穀二百四十石。魚塘四所。每歲租銀三十兩。以供脩脯膏火之費。凡用金帛。皆竭予俸橐。不以他累。材木輒斲。務堅以固。期於可久。既落成。乃報中丞求鴻文勒石於書院。而予又私叙義學之緣起。以遺後之君子。冀時時修葺而舉行之。則豈惟予之幸。亦邕士之幸也夫。雍正五年。知府黑大池。署縣徐德秩修。文。粵稽邕州。

地極邊陲。要荒之外。願學無師。文成過化。南國是式。二百餘載。流風未息。更值昌時。群思天路。胡乃頽靡。匪因他故。人慕詩書。土患瘠貧。中材而下。曠業因循。郡伯沈公。初作全牧。上憲掄才。薦守斯服。蒞治三年。孜孜民和。革弊除害。樂利既歌。迺瞻多士。風氣弗振。詢厥所由。公用憂疾。天子右文。各憲崇儒。此邦教育。余其亟圖。迺購基址。迺立堂廡。義學鼎興。巍然百堵。諸費不貲。清彙自捐。丙申之秋。工事告竣。爰聘名宿。以司講席。進我子弟。秀而碩。並置腴產。以給薪資。戒我紳士。世掌無私。赫赫規模。煌煌綱紀。期以久長。勿墮而圯。邕郡千里。士子來萃。踴躍歡呼。吟誦相比。從茲砥礪。鄒魯何遙。卓爾文行。起鳳騰蛟。維憲擇人。維公惠民。以引以翼。為國儲珍。凡業於斯。罔或不勤。設飽而嬉。豈獲有聞。敬叙終始。刻詞於石。室宇田畝。並勒其籍。非敢獻誤。永不學者。毋負盛典。共升大雅。

一在學宮左。俱久廢道光十七年。知縣柳際清。於東南西北四城。各設一所。旋以經費支絀。二十三年。合併共設一所。學址在南門街昭忠祠。至清季猶存。每年由縣奉送學師束脩銀四十兩。參府志

社學

上郭社學。學址在城西三界廟。  
 衣錦社學。學址在下郭街神霄宮。  
 官塘社學。學址在金牛寺。

府後社學。學址在府治東。明嘉靖七年。知府將山卿建。故址無考。以上均見圖書集成。

瓦窰社學。在下南一圖瓦窰村。

顏村社學。在下南三圖顏村。以上二學。清乾隆二年奉文設立。府志

## 試院

試院 前明試院。久遠難稽。入清以來。假蕭文端公第宅爲之。督學歲科兩考。租駐於此試

於內。太泗鎮三郡生童附試焉。歲久牆屋傾圮。清乾隆六年。知府蘇士俊損修。並置石桌凳

於內。（蘇士俊修試院記）南太西粵之邊郡也。昔稱荒服。誦讀寥寥。唐宋來。聲教稍敷。而瑰璋磊犖之士。代亦間

出。謂非培植自上歟。迨我朝撫有區夏。加意作人。勵實學。敦實行。學校廣其地。師儒慎其人。視學重其

任。即鎮泗之以土歸流者。亦漸被於詩書禮樂之風。與南太埒。今日之人文。斯爲盛矣。顧四郡學校。雖各其地。而視學之命。館於邕城。歲科萃漢土三十餘屬之生童。咸校於此。余下車之始。適值提調歲試。目擊廠屋傾頽。牆

垣卑圯。而諸生聯坐以竹。式憑木板。挨擠難舒。時防傾踣。當披卷抽毫構思運功之際。何以堪此跼蹐耶。夫民之

父母。雖窮簷蔀屋。悉欲令其甯居。矧衡文重地。掄才鉅典。能不爲之厪念哉。爰忠圖所安。謀可久。諮之太鎮泗

之同寅。而三君咸相稱善。然隨其力之所及。以資一臂。余惟拮据鳩工。運石庀材陶瓦。屋宇之傾者修之。號舍之

隘者廓之。牆垣之卑者圮者。增高而培築之。水剝之淺者壅者。深潛以石固之。至於桌凳慮木植之不能經久。且有

移用散失之難稽也。則悉置以石。慮冬日之冷逼肌膚也。則上覆以板。熟思審處。幾費經營。非敢謂遠乃猷。宏乃

德也。聊俾多士於風簷寸晷中。少舒困憊。庶無負聖朝愛肖人才之至意。亦以自慰眷惜士子之隱衷云爾。若其永貢不替

。余未有知。後之君子。自能補其未備。大其前規。微特因仍苟完已也。工防於辛酉仲冬。訖壬戌季夏竣。而紀諸石。

（沈慰祖試院石凳記）壬戌十一月。余按試至邕。見試院中石案石凳。爲士子棲息地。邕之人七僉曰。此我太守蘇公

爲德於我鄉者也。先是案以板。凳以竹。俱臨期猝爲之。不其堅整。士之來試者。率拳局就坐。一人搖動。左右

震撼。板薄竹脆。時慮欹折。以故構思屬稿。輒終日無寧晷。而里民之輸竹木者。歲一供役。尤甚苦之。蘇君蒞郡

久。衆甚便焉。夫邕州於西粵爲劇郡。兵民錯處。漢土耦居。四方商賈。肩摩輻輳。官斯土者。簿書之煩。日不暇

給。其能勸課。敏斷決。俾士庶安堵。奸匪斂跡。斯可以稱廉幹矣。君乃事無鉅細。留意體察。見士子坐而不寧



也。而心憫之。而力圖之。且不吝捐貲以成之。噫。何爲政之暇也。聞之埋民者。必以民心爲己心。民有一之弗安。不啻如身之疾痛疴癢。務亟去之爲快。而後德政稱焉。今君之於士子。直舉其兀坐呻吟之況。而曲體之。因爲之籌安坐。且爲之謀經久。其用心可謂至矣。則是方之一切政務。凡可以興利除弊者。何一不動中民隱。視如己事。而汲汲爲之哉。以是心體兵民。而兵民安。以是心理漢土。而漢土輯。以是心惠商賈。而商賈悅。無惑乎邕之人士。津津然德之不置也。邕之人士又曰。公之爲德於我鄉者。非特此也。百年以來。志乘殘缺。公概然以興修爲志。解囊金付梓。今哀然有成書矣。城垣之傾圮者。自公繕完之。隄岸之危險者。自公固築之。其他善政。難更僕數。公今將以治最入都。其所以福我衆而利我後者。正未有艾。余曰。此道光八年。左江道呈麟。署府景琨。知縣王濟。暨紳士重修。增設坐號。添建東文場一座。（呈麟修試院記，邕故有試院。爲科歲兩試督學校士之所。舊制太鎮泗生童咸來就試。今則太平試於本郡。而鎮安泗城。猶附南甯焉。試院之沿革。莫能遠考矣。志載乾隆六年。知府事蘇公。因其牆宇傾圮。曾事修葺。並易木竹板坐爲石礎。於時稱便。蓋南郡府縣試。入試院考校。實始於此。道光丁亥冬。余奉命來監司左江。景君慎齋。適攝府事。每念地當三郡赴試之區。其卑廟湫隘若此。未嘗不慨然動思。然數閱月。而興修之舉未遑也。明年夏。王君巨川來宰宣邑。南郡之附郭也。因得時時講論。凡地方之利害。力所能及者。皆將次第舉之。又明年。景君重來攝府事。方以試院限於地基。非加展。無裨於用。王君乃出資購民房。與城守附近之公所相易。於是得屋三椽。隙地數尋丈。余復偕慎齋暨文武諸司事。薄捐廉俸。一時闔郡紳士。無不踴躍輸將。鳩工庀材。增建舍宇十二楹。坐號六百。合新舊號數。二千二百六十有奇。五月朔經始。七月七日落成。邑紳之趨事赴公。王君之殫心宣力爲何如也。嗟乎。自蘇公修復後。近百年矣。都人士猶至今樂道之。茲又得王君倡其事而擴充焉。夫安知後之人。不以今日之思蘇公者思王君乎。余既嘉王君之克集其事。而又喜景君之先後南吾。卒竟其志也。遂書斯事之始末。而志歲月。若夫進諸生篤學以勵品。親賢而致遠。作爲棧樸。觀國家光。是在來人共勉之。則又非區區興民國初。改爲財政廳。每年政府。仍納租於蕭氏。按每年租金二十四兩。歷來由縣支給有案。民國初。一次停給。後由其族人呈請政府。允爲照給。但易兩以圓云。